

9
CHRISTIANI GOTTLIEB RICCH

PROBLEMA
IVRIS GERMANICI,

NVM

PACTVM COMMISSORIUM
CIRCA PIGNORA

IN GERMANORVM FORA, IN QVIBVS
ID QVONDAM, TESTANTIBVS DIPLOMATIBVS AC
LITTERARIIS MONVMENTIS, ETIAM VSV VA-
LVIT, RVRSVS SIT INVEHENDVM
ET ADPROBANDVM?

C V M

A P P E N D I C E

EXEMPLORVM NONNVLLORVM
OBLIGATIONIS SVB POENA BANNI
IMPERIALIS ET ECCLESIASTICI
OLIM CONTRACTAE.

TERENTIUS *Adelpb. Act. II. Scen. 2. v. 35.*


Heu mihi!

Etiam de forte nunc venio in dubium miser.



GENAE EX OFFICINA RITTERIANA
AN. MDCCC XXXIII.





re ; an pacto commissorio in pignoribus
more majorum locum facere rursus ? Mihi sa-
 ne perinde erit, siue praxin hodiernam juri
 Romano innixam continuent, siue antiquum
 Germanorum institutum, quod Pactum
 Commissorium sancte colebat postliminio
 adoptent & rursus observare incipiant. Ego
 enim ipse, ut verum fatear, Jurispruden-
 tiam Romanam, prout decet, magni facio,
 colo & veneror, sed ita, ut juxta eam &
 mihi Germanorum mores ac instituta, si ra-
 tioni sanæ & hodierno reipublicæ statui be-
 ne convenient, non minus in pretio sint ac
 deliciis, præsertim cum ea fere gentium
 juris naturam induisse videantur. Et quam-
 quam ea, quæ de pacto commissorio in pi-
 gnoribus, introducendo disserui, adhuc extra
 usum forensem esse quis dixerit ; iis tamen,
 qui Recessu Imperii & Legibus provincia-
 rum vivere, haud obstringuntur, interim
 X 3 utique

PRAELOQVIUM.

utique integrum erit, actiones suas secundum prisca Germanorum instituta Juri naturæ plane consentanea sine ulla conscientiae labe hodiernum componere, atque adeo pactioni Commissoriae, etiam in pignoribus degere convenienter. Fortasse citius opinione tempora redeunt, quæ antiquo Germanorum instituto magis favent, quæque id in actum rursus deducunt, quod nunc extra usum esse jussit Themis Romana in fora nostra avide olim investita atque legibus provincialibus fere ubique approbata & communita. Vale LECTOR

BENEVOLE!



SVM.



PRAELOQVIVM.



NON sum nescius, quum, quæ de Pacto Commissorio circa pignora in fora nostra rursus invehendo commentatus sum, subiici prelo curem, fore, ut hic labor in multorum reprehensiones incurrat paullo immitiores. Quibusdam enim, quicquid operæ & studii in eruendo, illustrando, expoliendoque Jure Germanico vetere ponitur, & ad ejusdem præstantiam & æquitatem commonstrandam

PRAELOQVIVM.

ex legibus antiquis vel rerum olim gestarum monumentis, rationisque notionibus depro-
mitur, tanto inutilius videri solet, quanto
est facilius doctrinas Juris Justiniani nuper-
demum ex ore venerabilis cujusdam præ-
ceptoris perceptas decies recitare ac reco-
quere, quam sua industria aliquid novo-anti-
qui Juris vere Germanici ex tabulis litterariis
heic atque illic dispersis colligere atque con-
struere. Neque enim deerunt, qui sibi te-
mere persuadent, id nunc agi, ut sanctio
Legis III. C. *de Pact. pignor.* manibus suis ex-
torqueatur; in quo autem sunt oppido
falsi. Tantum enim abest, ut mihi tale quid
arrogem, ut potius problema meum subacto
& limato judicio eorum, quibus concessa est
facultas legum ferendarum vel abroganda-
rum, demissè subjiciam, & expendendum
relinquam, utrum præstet Legem illam III. C.
de Pact. pignor. in posterum exacte custodi-
re;



SVMMMA DICENDORVM.

- §. I. **L**ex commissoria pignori adiecta, nec laude nec vimperio caret; est tamen nostra consideratione haud indigna.
- §. II. Ea *Juri Naturæ* non repugnat, sed admodum convenit; quod etiam testantur Doctores excellentiores.
- §. III. Prudentia quoque eandem commendat ob malitiosam debitorum multorum indolem.
- §. IIII. Pactum commissorium pignori tacite adiectum quandoque perperam creditor.
- §. V. *Veteres* Germani pignoris constitutioni pactum commissorium adiungere consueverunt, quod chartis ex sæculo XII. et XIII. collectis demonstratur.
- §. VI. Similiter ex sæculo XIII.
- §. VII. Itemque ex sæculo XV.
- §. VIII. *Unicum* saltem exemplum ex sæculo XVI. producit.
- §. VIII. Neque iura civitatum defuisse videntur, tale pactum circa pignora comprobantia.
- §. X. Extra Germaniam idem pactum valuisse testatur *Lex Longobardorum*.
- §. XI. Et apud Gallos,
- §. XII. *Hispanos*, et
- §. XIII. Danos obtinuisse ostenditur.
- §. XIII. Progressus sit ad *Jus Romanum*.
- §. XV. Ante CONSTANTINUM M. pactum commissorium in pignoribus nulla lege unquam vetitum fuit, sed licitum, ut testimonia CICERONIS evincunt.
- §. XVI. Idem pactum vetere et antiquo iure Digestorum etiam licitum fuit, usque ad idem tempus, quo id prohibuit CONSTANTINUS MAGNUS.
- §. XVII. Recepto iure Romano, etiam receperunt Germani simul Legis Commissoriæ prohibitionem, ceu testatur *Rec. Imp. d. an. 1577*.
- §. XVIII. *Jus Provinciale Prussicæ, Ordinatio Palatina Electoralis, Mandatum Electorale Saxonicum, Ordinationes Provincie Saxo-Gothanæ et Altenburgicæ, Jus Württembergicum, Curlandicum*, atque Ordinatio Politica castri *Ganerbiorum Fridbergensis in Wetteravia* eandem prohibitionem L. Commissoriæ adoptarunt.
- §. XIX. Mirum est, cur Principes Imperii adeo unanimiter eandem prohibitionem antiquis Germanis

- Germanorum institutis contrariam admiserint.
- §. XX. XXI. et XXII. Disquiritur: num moribus Germanorum, quibus ins Romanum in fora sua invehere placuit, conueniens fuerit, simul cum eo recipere et adprobare *Legis Commissoriae prohibitionem* in pignoribus? quod negatur; quia Germanis se arctius et sub poenis *Conventionalibus* alteri obligare volupe fuit.
- §. XXIII. Inquiritur: cur CONSTANTINVS M. pactum commissorium in pignoribus proscripserit? Rationes eius paullo accuratius ponderantur.
- §. XXIII. Alia ratio abrogati dicti pacti sub examen vocatur.
- §. XXV. Ratio, quod pignus pretio superet debitum, excutitur.
- §. XXVI. In aliis contractibus æqualitas pretii et rei non adeo stricte attenditur, v. g. in *Au-
tionibus*.
- §. XXVII. Item in *emtione cum pacto retrovendendi*; et res tamen manet emtori, si intra determinatum tempus *restitutio* haud exerceatur; neque venditor auditur, etsi de lusione *ultra dimidium* queratur.
- §. XXVIII. Dantur pacta apud Germanos, quibus promissum

haud adimplenti imminet *Scr-
vitur, pena dupli*, item *census
per singulos dies duplicatur*:


- §. XXVIII. Debitor potest cum creditore ita pacisci, ut mutuum post certum tempus sit *extinctum*, pignusque a nexu liberum.
- §. XXX. In legem commissoriam impingunt multi *bona fide*; sagaciores L. III. C. d. *pact. pign.* eludere sciunt. Ergo prudentius esset eam plane abrogare, ne per cautiones esset inanis.
- §. XXXI. Jura permittunt, partes loco *pena conventionalis* pignus certum constituere, quod casu eveniente, cadit in commissum.
- §. XXXII. Pactum Commissorium utique *statuto vel consuetudine* potest rursus in forum revocari.
- §. XXIII. Cur id in fora rursus invehì expedit.
- §. XXXIII. Conclusio.

APPENDIX

Exhibet exempla *obligationis* sub pena *Imperialis ac Ecclesiastici Banni* quondam contracte extra Germaniam non minus quam in ea obvia.

* * *

§. I. Le.



§. I.



LEGEM, quam paciscentes contractui pignoratitio nonnunquam adiacere solent, COMMISSORIAM alii tamquam iniquitatis procreatricem, honestatis expultricem, alienorum bonorum spoliatricem, avaritiæ creditorum adiutricem e Rebuspublicis nostris ac foris prorsus proscribendam arbitrantur : aliis autem & maxime majoribus nostris, paullo cautius cum debitore suo acturis eadem lex non adeo iniqua ac ingrata visa fuit, ut eam potius *precipuis contractuum suorum pignoratitiorum presidiis ac cautionibus* adscribere minus dubitaverint. Et hos rationes multo consultius ac sapientius subduxisse, haud dubie dixeris, si multorum debitorum indolem & cavillationes, etiam nostra ætate, secreta quadam æstimatione pensitare tibi, LECTOR VERITATIS SOLIDAE AMANTISSIME, haud grave fuerit. Neque enim heri aut nudius tertius, sed jam diu etiam apud *Germanos*, fidei tenacis laude olim celebratissimos, in morem abiit, ut debitores erga
A suos

suos creditores non raro luculenta perfrictæ frontis,
 animique improbi ac fraudulentæ specimina in procrastinanda solutione subinde edant, vel hos turpiter pecunia emungere aut exuere studeant, quibus declinandis vix humana hodiernum suffectura videtur provisio. Sane si ea debitorum esset probitas, ut promissis suis atque pactionibus starent, fidemque tempore destinato sancte liberarent, mutuam scilicet creditori pecuniam amanter restituendo; nec fidejussoribus indigeremus, nec pignoribus, nec alia quavis cautione, aut vinculo, quo arctius olim ac hodie constringi advertimus illos, qui mutuos rogant accipiuntque numos. Probus, quæ promissit, servat sine chirographo, leges & limites honestate sibi statuente. Verum enim vero cum mille hominum sint latebræ, atque vaserrimarum fraudum, quibus alter alterum circumvenire solet, numerus vix iniri queat; is certe plus æquo credulus ac imprudens foret dicendus, qui pecuniam suam unicuique, eam forte roganti, seu rerum suarum plane incuriosus, vellet dare mutuam, ut neque de fidejussoribus, neque pignoribus aliisque juris subsidiis in crediti securitatem impetrandis constituendisque serio esset sollicitus. Perfidis enim nunquam causa deest, cur pactis non stent, sed semper aliquam fraudi speciem juris imponunt; cavillationibus audacter utuntur, verborum ambagibus & involucris promissâ vel prorsus eludunt, vel certe aliter interpretari callent amantque. Quinimo etiamsi quispian forte ipse in arte alios circumveniendi, defraudandi ac decipiendi adeo felices haud fecerit progressus; ei tamen vix pessimæ notæ deerunt consultores, (vel consultrices, *solten es auch Trüdel-Weiber seyn,*) qui operas

operas suas eidem pro levi admodum pretio locent & fraudum subsidia largiter subministrent. Quæ cum ita sint, tantum abest, ut majores nostri Legem Commissoriam pignori superadditam prudentiæ atque justitiæ repugnare existimarint, ut maxime eam rectæ rationi & æquitati consentaneam censuerint. Neque boni viri aliter rationes inire & subducere potuerunt, ratione nobiscum connata in consilium adhibita, atque indole plurius debitorum fatis expensa,

§. II.

Nec est, quod quispiam de pacti commissorii, de quo nobis jam sermo, justitia dubitet. Uti enim a voluntate uniuscujusque paciscentium pendet, utrum velit pactionem hanc vel illam inire, vel minus; ita paciscendi modus quoque non aliunde, quam ab utriusque arbitrio repetendus est, quia quilibet pro diversitate intentionis suæ alterum sibi hac vel illa conditione obligatum tenere, aut sibi jura ab altero acquirere intendit. Si itaque paciscentes de modo, quo alter alterum sibi obstrictum cupit, inter se amice conveniunt; eorum consensus & voluntas dabit & modum vel legem pactioni seu contractui. Proinde, si debitor ea conditione cum creditore suo contrahat, ut forte ab illo, præfinito tempore haud soluta, atque pignore liberato, res pignoratæ huic pleno dominii jure adquiratur, seu pignus cadat in commissum; ejusmodi pactum nec injustum dici potest; cum hunc in modum revera pacisci volentibus nulla fiat injuria & pactio de re, cujus arbitrium penes ipsum est, sit inita ac conclusa. Quibus præstruatis, nullam video rationem, quare pactum Legis Commissoriar

foriæ pignori adnexum rationi naturali ac iustitiæ repugnare asserant nonnulli, amore juris Romani nimio capti atque veluti effascinati. Quo majori animi impotentia hi quandoque tale pactum ope juris Romanorum impugnatum destructumque aggrediuntur, eo solidiori grauiorque argumentorum robore illius iustitiam atque æquitatem tuentur illi Juris Naturæ ac Gentium doctores, qui doctrinas suas connexa ratione proponere desudant gestiuntque. Cum non multitudine, sed celebritate bonorum auctorum doctorumque Juris Naturalis pugnare præstet; unum atque alterum duntaxat in scenam producam, nostræ sententiæ probe adstructæ graviter adstipulantem. NICOLAUS HIERONYMVS GVNDLINGIVS *Jur. Nat. & Gent. cap. XXIII. §. 73. p. 298.* nostram diserte adprobat thesin hunc in modum se explicans: *Quidam legem Commissoriæ adji- ciendam (pignori) aliquando credunt, quæ naturaliter iniqua non est. Tribuat sibi, qui tale pactum init, nec temporis mensuram, quo reluere oppignoratam potest, determinat. Nec ab hujus sententia discedit Perillustis 10. BALTH. Lib. Bar. de WERNHER Elem. Jur. Naturæ & Gentium, cap. XV. de Pactis & Contractibus §. 29. p. 283. ita pronuncians: In quo pacto (Legis sc. Commissoriæ) nihil est, quod naturali rationi repugnat; etsi & hic addat aliquam limitationem, de qua jam videbimus. His Jureconsultis merito suo comitem adjungo Ill. AVGVST. A LEYSER Medit. ad ff. Spec. CLVIII. Vol. III. p. 165. animi sui sententiam de hac re ita expromentem: Quod ad jus naturæ attinet ait quidem PVFENDORFFIVS de Jure Nat. & Gent. Lib. 5. c. 10. §. 14. Legem Commissoriæ in pignoribus naturaliter non esse iniquam; addit tamen: in primis*

primis, ubi pignus non plaris fit, quam debitum, & usuræ intermedii temporis, aut, si quod excedit, domino restituatur. *Videtur ergo tunc, quum hæc requisita non sunt, improbare legem illam & juri naturæ contrariam reputare PVFENDORFFIVS.* At ego, etsi manifestum ex pacto Commissorio lucrum capiet creditor; nihil tamen in eo iniquitatis naturalis animadverto. Permittit enim jus naturale unicuique, pro libitu pacisci & emolumentum suum quovis modo querere, si vis dolusque absit, cujus utrius nullum in lege Commissoria vestigium conspicitur. Et ita causam bonam, contra PVFENDORFFIVM & WERNHERVM simul, optime tuetur Illustris LEYSERVS.

§. III.

Nec mirum, doctores eminentioris ingenii pactum legitime factum suo judicio comprobare. Creditor talem pactiōem cum debitore suo deliberato iniens id præcipue agit, ut præter securitatem crediti in pignore vel hypotheca nactam, debitori minus currenti calcaria addat multo acriora, eumque fortius ac arctius urgeat, ut tempore convento sortem cum usuris dextre exsolvat, nomenque expungat, atque adeo nihil prætermittat, quominus tempestive luat pignus. Quotidie usu venire solet, ut debitor, qui desiderio pignoris sui recuperandi atque reluendi flagrare atque de eo valde sollicitus esse deberet, relutionem ejus vel plane negligat vel de die in diem vafre procrastinet, omni fide ex animo prorsus proscripta. Quis mortalium, cui sanum sinciput, vitio verteret creditori, hanc pudendam negligentiam aut intolerandam procrastinationem debitoris facile prævidenti, si contractum pignoraticium

ab initio statim hæc lege inire consuetius existimet, ut pignus, nisi intra certum & discrete determinatum tempus reluatur, committatur, vel pleno jure sibi tanquam creditori cedat. Quodsi igitur debitor intra præscriptum tempus pignus reluere negligat, illud committitur, i. e. in creditorem jure domini, tempore illo præterlapso, irrevocabiliter transit. Alius, isque verior pacti istius esse nequit sensus, quam debitorem, relutione intra præfinitum tempus neglecta, juri reluendi plane renunciasse, & pignus pro derelicto habuisse; atque adeo id vi legis commissoriae in posterum penes creditorem jure domini manere debere.

§. III.

Sunt, qui cum beato CHRIST. THOMASIO (*) hanc foveant opinionem ac si pactum Legis commissoriae pignori & tunc tacite adjectum intelligatur, modo inter creditorem atque debitorem sic conventum, ut intra certum ac determinatum tempus relueretur pignus. Si enim, ita rationari solent isti, debitor intra hoc præscriptum tempus pignus redimere prætermittat, id tunc tacite actum videtur, ut illud committatur, & creditori jure domini adquiratur perpetuo: alius enim temporis ad reluendum id constituti esse nequit sensus, quam si intra illud spatium haud reluatur, debitorem jure reluendi prorsus repudium misisse & pignus pro derelicto habuisse. Sed admodum vereor, ut hoc firmiter concludat, etiam si huic sententiæ viri suffragentur eruditione præstantes.

Nam

(*) In disput. de Usu Practico Distinctionis inter emtionem cum pacto de retrovendendo et contractum pignoratitium, cap. II. §. 13. p. 17. et 18.

Nam ejusmodi pactioni: *ut intra statutum tempus relutio pignoris fiat, etiam longe alius inesse potest sensus, non autem solus ille, ut committatur.* Quid enim obstat, quin tale pactum ita interpreteris, *tacite* id inter partes potius actum esse, ut, relutione intra conventum tempus, minus peracta, creditori demum ex eo tempore competere debeat jus solutionem sortis vel relutionem pignoris omni legitimo modo flagitandi, vel pignus æquo pretio dividendi, ut summam sibi debitam inde recipiat. Legis commissoriæ expresse haud facta mentione, nihil impedit, quo minus pactum, quo relutio ad certum diem adstricta est, in favorem debitoris interpretemur; & cum conditio commissoria, de qua ne per somnium cogitarunt partes, huic vel illi debitori sæpe dura videri posset, vix *latius interpretando* nobis esse licebit tam liberales de re aliena, nisi aliæ occurrant circumstantiæ tacitam legem *commissoriam* nobis subministrantes clare; quamdiu autem hæc deficiunt, non aliter locum *commissoriæ* relinquendum esse arbitramur, quam si ea constitutioni pignoris *disertis* adjecta fuerit verbis.

§. V.

Legis commissoriæ *iustitia* ex principiis Juris Naturalis satis abundeque adstructa, se ab antiquo jam tempore multis gentibus ita probavit, ut ad ejus rationem contractus suos sæpenumero conscriptos voluerint. *Germanica* gens, cui ante Romanæ Themidis adoptionem admodum familiare fuit, doctrinis *Juri Naturali* convenientissimis constantius inhærere, atque ad easdem pactiones inter se incundas apte accommodare; etiam pactum *commissorium* contractui pignoris superaddere haud dubitavit.

bitavit. Hoc vix verosimillimum fit iis, qui *Jus Justinianum* legem commissoriam a contractu pignoris plane abesse imperans pro ipso præscripto Juris Naturalis inconsultius quam verius agnoscunt veneranturque, atque rerum veteri ævo gestarum monumenta, chartas ac diplomata evolvere & scrutari recusant, fugiunt, exhorrent. Sed & hi, qui sibi soli sapere videntur, fidem suam nobis amplius denegare desinent, si variis, iisque luculentis ex infinito Instrumentorum numero & inexhausta omnis generis monumentorum penu collectis demonstratum iverimus, *Germanos subinde Legem Commissoriam contractui pignoris pro sua sagacitate adjecisse*, & hoc pacto varia incommoda, quæ contractum pignoratitium alioquin comitari solent, sapienter declinasse. Ut autem hæc veritas præcipue iis, qui huic studiorum generi se haud familiariter applicarunt, sed omnia, nisi quæ ratio muneris necessario exegerit, cursim ac properantes transmiserunt, multo clarius patefiat; chartas rerumque monumenta, prout mihi inter legendum forte in manus inciderunt, summatim sistam, ex iis assertioni meæ fidem conciliaturus multo fortiorem, quam multis contractuum quondam initorum ignaris sedeat opinio. Prodeat ergo in scenam charta antiqua intra annum 1158. & 1183. conscripta atque a Dom. P. CAROLO MEICHELBECKIO Tom. I. *Hist. Frisingensis* sub Instr. *Alberti I. Episc. Frising. XXIII. n. MCCCLV. p. 564.* in lucem ac usum publicum prolata, in qua luculentum se exhibet exemplum *Legis Commissoriæ* pignoris constitutioni superadditæ; præstat autem eam hic legere integram: *Dux C. de Dachawe a Domino Alberto Episc. talenta LX. accommodavit, ut ille prædia sua scil. Euste*

5 Ro-

Et Rorinnos Et Anteshoven in manus Henrici Comitis de Plagen delegavit, beneficia quoque in manus Episcopi sub pignore posuit, eo tenore, si ipse prædictam pecuniam in assumptione Sanctæ Mariæ Domino Episcopo non reddat, Henricus Comes de Plagen præfata prædia super aram S. Mariæ deleget, beneficia in usus Episcopi libere pro voluntate sua cedant. Sane hæc charta nobis satis indicio est, Germanos res suas sub lege commissoria pignori subjecisse, adulto seculo duodecimo. IO. FRIDERIC. SCHANNAT (a) chartam nobis suppeditat, in qua HERMANNVS Thuringiæ Landgravius certos redditus sub lege Commissoria, nisi prædiis VI. marcas solventibus repigneraret, pignori opposuit Hermanno Abbati Fuldensi; verba huc spectantia huius sunt argumenti: *Præterea redditus nostros singulis annis VII. talenta solventes, ipsis tali conditione impignoravimus, ut eos a Festo S. Joannis Baptiste per annum in pignore habeant, & si medio tempore supra dictis fratribus prædia VI. marcas annuatim solventia in proprietatem dederimus, jam dicti redditus eis impignorati ad nos revertantur. Quodsi expleto anno eis prædia, ut dictum est, VI. marcas solventia minime dederimus saepe dictos redditus, quos nunc in pignore habent, libere Et sine omni onere Advocatiæ, jure proprietatis perpetuo possideant, Et de ipsis, ut de aliis possessionibus suis pro utilitate Monasterii dispensent.* Ex hac charta claret, si debitor redditus pignori oppositos intra unius anni intercapedinem minus lueret, eos jure proprietatis perpetuo ad creditorem tunc spectasse, quod satis innuit pacti commissorii valorem. Cumque hæc

B

charta

(a) In Probationibus Clientela Fuldens. Benefic. p. 203.

charta nomine *Principum Imperii* confecta sit; verum haud est, eos hoc pacto aliquid aduersum legibus ac consuetudinibus Imperii & Germanicarum provinciarum perpetrasse aut commisisse. Huic chartæ merito adjungo diploma *FRIDERICI II. Imp.* vi cuius Cæsare consentiente & Ordinibus Imperii suffragantibus, *Ludovicus de Sciphe* ob immensa damna *Gottofredo de Hobenlube*, Comiti *Romanie* illata, huic pro reparatione damnorum an. 1237. promisit, mille marcas argenti puri & boni solendas, pro quibus obligavit & assignavit ei castrum *Sciphe* & redditus centum talentorum *Herbipolensis* monetæ, ubicunque idem *Gottofredus* in bonis ipsius *Ludovici*, sive in proprietate, sive in feudis ejusdem velit accipere, ita, quod proprietatem in continenti per curiam nostram sibi tradidit & feuda stabilire promisit, insuper omnes homines militaris conditionis utriusque sexus eidem contulit, assignando, subscriptis conditionibus & pactis in eadem traditione & assignatione taliter intervenientibus, quod abhinc usque ad festum sancti Martini proxime venturum, & ex tunc usque ad annum completum in eodem festo, dictus *Gottofredus* & heredes sui omnia prædicta bona cum suis pertinentiis pleno jure cum hominibus in libera & quieta possessione tenebunt; ita quod si completo anno in sequenti festo b. Martini præfatus *Ludovicus* mille marcas puri argenti solverit, eidem *Godofredo* & heredibus ejus, tam prædictum castrum quam alios redditus cum hominibus, dominis restituere teneantur, si termino prætaxato idem *Ludovicus* non solverit prædictam pecuniæ quantitatem; prædictus *Gottofredus* & heredes sui prædictum castrum *Sciphe* cum pertinentiis suis & redditibus centum talentorum & hominibus jure perpetuo, tam proprietatis titulo, in his, quæ
pro-

propria (eigen) sunt, quam Jure feudali in feudalibus retinebunt, sine contradictione & molestia alicujus quiete & pacifice possidenda. (b) Si cui animus est, mihi ogganire, per hocce pactum commissorium fortasse in fraudem legum in Germania tunc usitatarum elanculum fuisse actum, ei facile os obturabit diploma Cæsareum plenius adductum, quod eo majori apud nos valebit auctoritate, quod, Cæsare residente in Palatio Imperiali Hagenowe in generali curia pro judiciis audiendis adstantibus Imperatori plerisque Principum & Procerum aulae Cæsareæ, fuerit conscriptum & sigillo insuper Cæsareo communitum. Huic Diplomati subijcio FRIDERICI II. Imp. transactionem judicalem inter Walterum de Lymburg, pincernam & Gottofredum de Hohenlobe, Comitem Romaniolæ anno 1235. in eodem palatio Hagenowe factam, & ab eodem Perillustri Scriptore (c) ab oblivione & interitu vindicatam; cujus argumentum huc maxime spectans describere eo magis placet, quo minus id ab antecedente alienum esse videtur: Walterus -- pro instauratione damnorum promissit Gottofrido mille marcas argenti puri & boni solvendas, pro quibus obligavit & assignavit ei castrum Schenckenberg & redditus centum talentorum Herbipolensis monetæ, ubicunque idem Gottofredus in bonis ipsius Gvalteri sive in proprietate sive in feudis ejusdem velit accipere, itaque proprietatem in continenti per curiam nostram (Cæsaream) sibi tradidit: feuda, quæ ipse tenebat, videlicet per dilectum principem nostrum Bambergensem

B 2

sem

(b) vid. Perill. Du. Cancellarii Ducatus Magdeburgici et Academiæ Hallensis, 10. PETR. DE LVDEWIG Reliqu. MSt. et Dipl. Tom. II. p. 218. sq.

(c) i. e. 10. PETR. DE LVDEWIG T. II. Reliqu. MSt. et Dipl. p. 216.

sem & Herbipolensem Episcopos eidem assignavit (d) *Prædicto* Bambergensi, qui *præfens* erat, prius resignando, subscriptis conditionibus & pactis in eadem traditione & assignatione taliter invenientibus, quod abhinc usque ad festum S. Martini proxime venturum & ex tunc usque ad annum unum completum in eodem festo dictus Gottofredus & heredes ejus, omnia prædicta bona cum pertinentibus suis pleno jure in quieta & libera possessione tenebunt; ita quod si completo anno in sequenti festo b. Martini præfatus Walterus mille marcas puri argenti solverit eidem Gottofredo & heredibus suis; idem Gottofredus vel heredes sui prædictum castrum, quam alios redditus, sibi restituere teneantur; si vero termino prætaxato idem Walterus non solverit prædictam pecuniæ quantitatem, prædictus Gottofredus & heredes sui prædictum castrum quam alios redditus, sibi restituere teneantur, si vero termino prætaxato idem Walterus non solverit prædictam pecuniæ quantitatem, prædictus Gottofredus & heredes sui prædictum castrum Schenckenberg cum pertinentiis suis & redditibus centum talentorum, jure perpetuo tam proprietatis titulo in his, quæ propria sunt, quam jure feudali, in feudalibus retinebunt, sine contradictione vel molestia alicujus quiete & pacifice possidenda. Cum & hæc transactio coram Cæsare & plerisque Principum Imperii & Procerum Cæsareorum in eodem Palatio, eademque Curia generali fuerit facta; eam merito tamquam monumentum *juris* tunc temporis in Imperio nostro recepti consideramus, colimusque, nihil magis in votis habentes, quam ut ejusdem legis vel

(d) Erant enim feuda *Herbipolensia* et *Bambergensis*, ceu testatur charta apud eundem *Dom. DE LVDEWIG Tom. II. Reliq. p. 222.*

vel consuetudinis custodia apud nos etiam hodiernum esset reliqua ac in viridi observantia. Perillustr. DE LVDEWIG (c) Chirographum Bertoldi Episc. Bambergensis nobiscum communicat, quo hic bona Kenikensia civi cuidam *Judenbërgensi* pro 225. argenti marcis titulo feudali obligavit anno 1270. & quidem sub hac lege: *Sed si infra prædictum terminum bona eadem non exsolverimus, tunc dictus Jacobus & sui heredes prænominata bona in Kleinick, cum suis pertinentiis æstimata ad viginti marcas redditus a nobis & nostra Ecclesia jure feudali perpetuo possidebunt.* Ex hac charta adparet, Dominum Episcopum, qui æs alienum ab opulentiori cive contraxerat, huic bona *Kenikensia* pignoris loco i. e. in securitatem fortis & pro usuris ad certum diem sub reservatione facultatis ea reluendi concessisse; si vero pecuniam debitam intra statutum terminum haud exsolveret, tunc eadem bona creditor ejusve heredes jure feudali in perpetuum possiderent, jure reluendi plane extincto. Et hac ratione feudum pignoratitium, in emtum mutabatur, atque creditori pro sorte sua jure feudali in perpetuum acquirebatur i. e. cadebat omnino in commissum. Sufficerent sane hæc a me prolata, nisi alia Instrumenta litteraria mihi quasi aliud agenti subinde fuissent oblata admodum clara & observatione haud indigna. Elegantissimum exemplum pacti commissorii pignori superadditi atque adeo intentioni meæ in primis aptum præbet cuivis lectori charta Joannis Nobilis Pincernæ de Erpach super præstita Monasterio Amorbacensi satisfactione & absolutione excommunicationis, quam propter offensas eidem

B 3

Mona-

(c) in Scriptoribus Rer. Bambergensium, p. 1145.

Monasterio illatas incucurrerat, anno 1280. conscripta, quam integram P. IGNATIVS GROPP (f) in lucem edidit, & quæ hic adponi meretur: Ego Joannis Nobilis Pincerna dictus de Erppach ad omnium notitiam presentibus litteris desidero pervenire, quod pro omnibus illis offensis, quibus per venerabilem Dominum Henricum de Amorbach Abbatem & Conventum ibidem sententiam excommunicationis incurri secundum statuta Concilii Moguntini pro voluntate pariter & eorum consensu satisfeci sub hac forma quod sedecim libras Hallenses eisdem dare debeo pro emenda & pro debito principali, quas utique libras, cum ad manus non haberem, ipsis obligavi jus omne questum & imposterum acquirendum, quod habeo in nova villa juxta Buchem ad quatuor annos a festo Beati Martini nunc instante computandos in hunc modum, quod si prædictas sedecim libras Hall. infra quatuor annos prædictos pro solutione dicti juris eisdem dominis non persolvero, prædictum jus de cetero libere manere debet in potestate dictorum Dominorum & absolute & nec ego nec heredes mei debemus ullam habere potestatem prædictum jus absolvendi. Si autem prædictas libras Hall. solvero quatuor in annis præfinitis, tunc cum iisdem Hallensibus decem Maldra avene & XVIII. pullos dare teneor Dominis memoratis & promisi quod si domini prædicti unquam per me vel per aliquem meorum senserint gravamen in dicto jure, vel offensam, si tale gravamen infra sex septimanas totaliter non amovero, dictum jus ex tunc ad prædictos Dominos PERTETVIS TEMPORIBVS libere pertinebit. ceterum si aliquis

(f) in Historia Monasterii Amorbacensis Ord. S. Benedicti n. XV. pag. 198.

aliquis quod non credo diceret, se habere predictum jus in
 villa memorata. Et hoc per potestatem vel juris equitatem
 obtineret; tunc alia bona predictis Dominis obligare pro XVI.
 libr. Hallens. X. Mald. avene Et XVIII. pullos debeo, que ipsi
 decreverint acceptare. Super quo presentes litteras literas
 eisdem tradidi mei Et civitatis Amorbacensis sigillorum mu-
 nimine confirmatas. Actum Et datum A. D. MCC XXX.
 Martini Episcopi. Neque ab hac antiqua ratione pacis-
 cendi secessionem facit contractus pignoratitius inter
 AEpiscopum Magdeburgensem & consules civesque Magde-
 burgicos anno 1296. celebratus. Burchardo II. AEpisc.
 Romam pro confirmatione impetranda profecturo Sena-
 tus Et Populus Magdeburgensis ducentas Marcas Stendalensis
 argenti mutuo dederant, pro qua pecuniæ summa ipsis
 pignori AEpiscopus supposuerat redditus certi officii, quod
 ipsum Consules civesque, pecunia intra certum tempus
 haud exsoluta, sibi vindicare possent jure proprietatis ac
 tamquam proprium perpetuo possidere. Chirographum
 AEpiscopi nomine conscriptum atque Senatui populo-
 que Magdeburgico traditum hic subjecisse, vix lectori
 erit ingratum. Nos Burchardus D. G. Sanctæ Magdeb.
 Eccl. electus, Bernhardus Præpositus, Godofredus Deca-
 nus, totumque ejusdem Ecclesiæ Capitulum universis præsens
 scriptum visuris Et audituris Salutem in omnium Salvatore.
 Recognoscimus Et tenore præsentium lucide protestamur, quod
 honesti viri dilecti nostri Consules & Burgeneses de Mag-
 deburgo pro honore nostræ Ecclesiæ Et nostro favore speciali
 nobis ducentas marcas Stendalensis argenti, in subsidium
 itineris nostri versus Curiam Romanam, quo in presenti pro
 obtinenda confirmatione ituri sumus accommodaverunt Et mu-
 tuo præstiterunt. Pro hac siquidem pecunia de consensu Et
 volun-

voluntate Capituli nostri Officium nostrum, quod in vulgari Bernammecht (an Bornammecht?) dicitur eiusdem Consulibus & Burgenfibus obligamus; tali nempe modo & conditione, quod si ipsis pro narrata summa ducentarum marcarum ante festum Pentecostes, quod erit a dicto festo proximo ad annum continue subsequens, vel per nos vel nostram Ecclesiam non solveretur, quod tunc dictum Officium ipsorum burgenfium & civitatis esse debet **PROPRIVM**, cum omni fructu, **PROPRIETATE** perpetuo possidendum. Verum tamen si huiusmodi summa pecunie ante memoratum terminum per nos vel per nostram Ecclesiam, si nos metu Dei mori contingat, quod absit, fuerit exsoluta, ex tunc ipsum officium ad nos & ad nostram Ecclesiam libere revertetur. Sciendum etiam, quod ipsi Consules & Burgenfes infra tempus obligationis omnes fructus dicti Officii pro restauratione damni in usus suos recipient & convertent. In huius igitur obligationis & facti testimonium evidens, hanc litteram nostro, nostrique Capituli sigillis firmiter communivimus. Datum & actum anno Domini millesimo ducentesimo, nonagesimo sexto, secunda Dominica Quadragesime, qua cantatur Reminiscere. (g) Si quæ alia, hæc sane charta claris aptisque exprimit verbis naturam ac indolem pacti commissorii pignori superadditi. Quodsi tale institutum legi & consuetudini Germanorum haud conveniens fuisset; præsul ille & universa Civitas tale quid committere haud dubie sibi duxissent religioni ac pudori; indeque infero, hac ratione

(g) conf. IOH. ANGELI WERDENHAGEN Tract. de Repuhl. Hanseaticis Part. II. cap. 21. p. m. 148. qui tamen in eo errat, quod hoc documentum ad Burchardum III. AEpisc. a Magdeburgensibus exsum referat.

tionem sibi prospicere omnino *Jure Germanico* quondam licuisse.

§. VI.

Progredimur ad *seculi decimi quarti* tempora, vi-
suri, num durante eo Germanis quoque integrum fue-
rit, atque placuerit, majorum in adjicienda pignori Le-
ge Commissoria vestigia sequi, & hoc pacto de securi-
tate crediti sibi prospicere consulte? quod nos arbitra-
mur affirmandum. Etsi enim per idem tempus *Jus*
Justinianicum in subsidium *Juris Germanici* in aulas
Principum Germanorum paullatim penetravit, idque
ansam præbuit, ut ad ejus normam negotia civilia sub-
inde componi cœperint, uti per grandem vim chartarum
ex bonæ frugis scriptoribus collectarum alibi affa-
tim indicavimus; (b) nihilominus heic atque illic mul-
ta occurrunt rerum monumenta, ex quibus abunde in-
telligitur iisdem temporibus etiam Germanis sæpenu-
mero in usu fuisse, more majorum *sub lege Commissoria*
contractum *pignoratitium* celebrare, prohibitione *Legis*
ult. Cod. de Pact. Pignor. lacertos suos nondum movente
& Germanorum antiquiori consuetudine adhuc vigen-
te prævalenteque. Et ne lectorem prisce moris ac an-
tiquæ fidei amantissimum diutius morer, ejusmodi
documentorum, quæ *oppignorationes sub lege Commissoria*
fatis innuunt, recensum dabo, etsi valde pauperculum,
omnibus tamen haud ingratus. Dominus P. CAROL.

C

MEI-

(b) vid. Spicil. Historico-Diplomaticum meum, quo *Juris Justiniani* in aulis Germanorum Principum atque Personarum illustrium adoptati usus practicus jam inde a seculo XIII. et XIII. ostenditur, §. 15. p. 23. - 35.

MEICHELBECK (i) in lucem emisit chartam d. an. 1300. die Oswaldi conscriptam, in qua RVDOLFFVS Com. Palat. Rheni & Dux Bavariæ Superioris, consentiente uxore Mechilde & sibi adstipulantibus Ducibus Bavariæ Inferioris Ottone & Stephano arcem Tölzpen (Töllentz) ad ripam Isaræ haud procul ab Alpibus Superioris Bavariæ, Enichoni Episcopo & ecclesiæ Frisingensi pro certa pecuniæ summa ad decem annos pignori ea lege suppositum, ut si relutatio rerum pignorum intra decennium, prout docet, haud fieret, arx cum aliis rebus pignori adiectis penes ecclesiam jure proprietatis & perpetuo maneret. Quid? quod ipse Palatinus se ad evictionem rerum oppignoratarum pro cujusvis pignoris jure præstandam additrix, si quispiam easdem in litem vocare auderet. Si itaque pignus perpetuo & jure proprietatis in manu creditoris esse debeat, si constitutum intra terminum id haud relutatur, nonne id est idem, ac si dices, pignus tunc cadat in commissum vel creditori cedat jure proprio? Sic Principibus Imperii Ecclesiasticis, minime patrii juris ignaris contrahere placuit; cur eorum exempla sequi vereamur, quæ nihil iniqui habent? In litteris ALBERTI Episc. Halberstadiensis atque totius ejusd. ecclesiæ Capituli (k) d. anno 1316. controversia de castro & opido Wigeleben inter Magdeburgensem & Halberstadiensem Ecclesias diu agitata hunc in modum composita legitur, ut Magdeburgensis donec Halberstadiensis ei mille marcas argenti Stendalensis exfolveret, castrum Langenstein pignoris nomine teneret. Huic

(i) *Hist. Frising.* Tom. II. P. I. p. 105. et 106.

(k) vid. infra integras litteras, quas in APPENDICE ad §. XXII. lit. p. §. V. Lectori Benevolo sistimus.

Huic oppignorationi addita quoque est cautio, ut si pecunia dicta terminis solutioni præfixis haud esset soluta, castrum pignori suppositum quoad possessionem & proprietatem ad ecclesiam Magdeburgensem perpetuo pertineret, i. e. pignus caderet in commissum. Hinc pactum commissorium in pignore usurpare non dubitarunt Præsules, qui utique id haud admisissent, si quid iniqui eidem inesse existimassent. Perillustis Dn. ERN. IOACH. DE WESTPHAL, Vir ob raræ eruditionis ac splendidissimorum meritorum præstantiam omni nostro elogio major, in eximiis ac optimæ frugis MONUMENTIS RERVM GERMAN. (1) in lucem protulit chartam, qua Joannes, Comes Holsatiæ obligavit militi strenuo & famoso Detlevo dicto Poggewisch suo vasallo, creditorique suo ejusque heredibus villam Duedendorph anno 1322. pro 650. marcis, salvo jure relucitionis intra annum: quo autem præterlapso, legi commissoriæ locus dabatur. Potest tamen, sunt verba Instrumenti, præfatus Dominus Comes ipsam villam redimere & reemere pro memorata summa pecuniæ, in festo S. Martini deinceps ad annum. Quodsi non fecerit, ex tunc illa villa militis præfati & suorum verorum heredum manebit perpetuis temporibus titulo pbeodali. Exinde palam est, Villam illam pignori subjectam ope pacti commissorii creditori tamquam feudum adquisitam fuisse perpetuis temporibus possidendam. Aliam ejusdem fere argumenti chartam nobis exhibet Dn. FRID. WILH. A SOMMERSBERG, (m) de anno 1223. in qua Boleslaus

C 2

Dux

(1) Tom. II. p. 84.

(m) In Silefiorum Ret historica et Genealogica Accessionibus p. 112. n. CXXV. et LÜDIG Cod. Germ. Dipl. P. II. p. 229.

Dux Lignicenfis *Conrado* Duci Olsnicenfi civitatem *Beroldisflatt* cum caſtro &c. nomine veri & juſti pignoris ſub lege tamen commiſſoria ita obligavit: Si vero, quod abſit, per quartum annum ſic pignoratione teneret civitatem & caſtrum cum diſtrictu predicto per nos non exempta, uti dictum eſt, ex tunc apud ipſum & ſucceſſores ejus omnes hereditarie & perpetue manebit, & in hoc non debet per nos & noſtros ſucceſſores aliquo modolibet impugnari. Si itaque civitas & caſtrum hereditarie & perpetuo penes creditorem, pecunia intra diem præſtitutam non numerata, manere debeat, pacto ſic enunciante; conſequitur, pignoris conſtitutioni pactum commiſſorium fuiſſe adjectum.

§. VII.

Deſcendimus nunc ad tempora ſæculi decimi quinti, juribus ac conſuetudinibus patriis maxime fatalis. Interim, utut Juris Romani & Canonici auctoritatem hoc ſæculo haud parum provelherent Imperatores Ordines Imperii, dum ipſi ſc. leges, quas publicabant, ad utriusque juris tum Canonici, tum Romani decempedam accommodabant, atque jura illa peregrina in judiciis ac foris cuſtodiri lege publica jubebant; conſuetudines tamen ac leges patrias non plane in exilium egerunt, ceteri teſtantur chartæ, quæ nobis luculento ſunt argumento, eodem etiam ſæculo adhuc contractum pignoratitium ſub lege commiſſoria ſubinde fuiſſe celebratum. In hunc cenſum merito venit charta Regis Bohemiæ *Wenceslai* caſtrum *Haffenſtein* pro 4000. ſexagenis *Nicolao de Lobkowitz* anno M CCCC XVIII. oppignorantis, in qua ſibi *Wenceslaus* duntaxat reſtitionem ad dies vite ſibi reſervabat, ea lege, ut, ſi dictum caſtrum, quoad inter vivos eſſet,

esset, minus relueret, illud, eo mortalium rebus crepto, cum pleno dominio Dominus de Lobkowitz hereditarie haberet, teneret & quiete possideret. Uti integrum documentum, cum nobis singularem speciem pignoris Germanici patefaciat, attentione nostra dignissimum est; ita & cautionem commissoriam, qua illud instructum ac exornatum est, haud minus digniorem existimo, quæ & hic legatur: *In casu, quo nos, nobis in vita existentibus, præfatum castrum Hassenstein cum suis pertinentiis universis ab ipso Nicolao & suis heredibus ac successoribus, cum - quatuor millibus sexagenarum grossi. Pragensium non exsolverimus, & vice versa non redemerimus, ex tunc post obitum nostrum - ipse Nicolaus heredes & successores sui utriusque sexus ipsum castrum cum suis pertinentiis - & pleno dominio hereditarie habere, tenere, quiete possidere debeant, uti integra docet charta.* (u) Similiter in litteris, quas vocant, reversalibus, quas Episcopus Hildesienfis Magnus, atque ejusd. Capitulum intuitu certorum castrorum, opidorum &c. oppignuratorum Ottoni & Friderico, Ducibus Brunsv. & Lüneburgensibus anno 1433. dedit, etiam hanc animadvertimus Legem commissoriam, sequentibus expressam verbis: *Und weret das Wy vnde vnse Nakömelinge, Capitul und Stichte tho Hildensen sothane vorbenömbte Einrichtung und Bethalung der vorbenömbten 9000. Rinschen Gulden*

C 3

Gulden

(u) Fam exhibet Perillustr. 10. PETR. DELVDEWIG Reliqu. MSt. et Diplom. Tom. VI. p. 86. LÜNIG Cod. Dipl. Germ. P. II. p. 223 et Vir Illustr. 10. GOTTF. V. MEIERN, Reg. Magn. Britanniz et El. Brunsv. Lüneb. Consiliarius Iustitiæ intimus et Archivi Director optime meritis in Gedanken von der Rechtsmäßigkeit der Sechsen Zins- Thalern, p. 48.

Gülden tho Tiden vnd in Stædten alsẽ vorgeschreven ys, sümich worden, vnd der nicht endeden, So schal de vorgeschreve Veste Dachtnisse mit alle synen Tho behöriegen den genannten Fürsten von Braunschweigk vnd Lüneborg vnd obren Erven grantzlicken verfallen syn, und bey öhrer Herschop bleiben, sünders vnse vnd vnser Nachkömelingen vnser Capittuls vnd Stichtes oder iemands von unser wegen Insage vnd Verwilt. (o) In hoc documento claris enunciatur verbis, castrum in casum non factæ convento termino solutionis, cadere debere in commissum & adquiri creditori. Aliud exemplum pacti commissorii contractui pignoris adjecti nobis aliquod MSt. Palatinum prodidit, ex quo intelligimus, graves exarsisse contentiones ac diffidia inter Fridericum Palatinum & Ludovicum Bipontinum anno 1460. quæ autem anno infecuto sub his pacis conditionibus sunt sopitæ: Zum ersten soll Hertzog Ludwig (Bipontinus) sein Lehn an der Warth empfangen Lichtenberg mit seinem Zubehör von dem Pfaltzgrafen (Fridrichen) und nimmermehr wieder ihn kriegen, und hat er ihn zu Pfand gesetzt die Stædten Meisenheim, Araffen, Bergzabern und Arnweiler um 1300. fl. die Hertzog Ludwig uf den 2. Zöllen Cub und Bacharach hatte, die sollen halbe abe sin, und die übrigen 700. fl. sollent mit Pfand sin mit dem vorgeschriben Stædten, wann Hertzog Ludewig wider Pfaltzgrafen thäte, so sollen die 700. fl. auch abe sin, und die 4. Stätte auch der Pfaltz verfallen sin, n. f. w. (p) Nemo sane adeo vacors erit, ut puto, qui non

(o) vid. Reversales ap. I. K. NIG Reichs-Archiv Part. Spec. Cont. II. 4. Abtheil. 4. Abs. p. 394.

(p) conf. CARL. LUDOV. TOLNERI Hist. Palatin. Cap. II. p. 74.

non in hac transactione legem *commissoriam* circa pignora animadvertat videatque.

§. VIII.

Jam tandem devenimus ad *seculum decimum sextum*, quod vnicum nobis saltem, (num quis plura offenderit, collegeritque, me jam fugit,) suppeditat exemplum *pignoris sub lege commissoria* constituti. *Ulricus Dux* Württembergicus, extorris, opera *Philippi*, Hassiæ Landgravii, qui pro summa 12000. coronatorum, qua ad conscribendos milites opus erat, in Galliam profectus, *Francisco Regi, Montis Belicardi Comitatum* pignori ea lege anno 1534. opposuit, ut in ejus patrimonium transiret, nisi triemni spatio relueretur. (q)

§. VIII.

Nec olim defuerunt *jura civitatum*, quæ legi *Commissoriæ pignoris* intuitu favere visa sunt, v. g. in *Statutis Suerinensibus*, quibus *Burewinus II.* Civitatem *Güstroviensem* anno 1222. condecoratam voluit, sequentem legimus dispositionem: *Si quis vero debitor coram judicio monitus solvere nequeat, domum suam debitori deponet; sed creditor illam tribus vicibus intra sex septimanas coram judicio præsentabit, quam si debitor tum non redemerit, in suos usus convertet creditor ipsam domum.* (r) Hæc lex in fragmento quodam lingua Germanica exarato de anno 1224. atque ex *Archivo Güstroviensi* deprompto, quod autem ex præcedenti latine translatum vide-

(q) vid. PFEFFINGER ad VITR. T. I. p. 720.

(r) vid. FRIDERICI THOMÆ *Analekt Güstroviens.* p. 22. et in primis Summi atque Perillustri Viri, Domini DE WESTPHAL *Monumenta inedita Rer. German. Tom. I. p. 2008. n. XXIII.*

videtur, ita nobiscum communicatur: *Wobne idt Sacke dat ein Schuldener woerde vor dem Gerichte gemahnet, und nicht betalden koende, und dem be schuldig is, sien Hus verfettende, dem schall desülvige, dem den Hus verfettet werd, dremabl binnen 6. Wecken im Gericht vorkringen, und da dei Schuldener so dane Hus nicht entfrende, so mag dei dem be schuldig ist, dat sülvige Hus kehren in sinen Genütte. (r)* Et in Juribus Suerinensibus a Domino Nicolao, Domino de Rossock civitati Malchaw anno 1235. datis eandem legem ita descriptam videmus: *Si quis debitor coram judicio convictus & debitum suum solvere nequiens, donum suam creditori deponet; & creditor illam tribus vicibus intra sex septimanas coram judicio presentabit. Quam si debitor tum non redemerit in suos usus convertet creditor donum ipsam.* Hic articulus in germanicam linguam translatus ita sonat: *Wenn ein beschuldigter Mann vorm Gericht vermahnet worden, und kan die Schuld nicht bezahlen, soll er sein Haus dem Creditori verunterpfanden. Wann der Gleubiger, das Haus vorm Gericht anbeut zu dreyennablen von 6. Wochen zu 6. Wochen, und der Beschuldigte nicht wiederlöstet, so wendet der Creditor das Haus in seinen Nutzen. (r)* Similiter in Statutis Suerinensibus civitati Röbel anno 1263. concessis, si versionem sequaris, verba ita se habent: *So ein Schuldiger im Gericht eingemahnet wird, und nicht bezahlen kan, soll er den Gleubiger sein Haus einsetzen: aber der Gleubiger soll es dreyenabl innerhalb Sechs Wochen für Gerichte aufbieten, so es denn der Schuldner nicht löset, soll der Gläubiger*

(r) Perillust. DE WESTPHAL l.c. p. 2022.

(s) vid. Perillust. DE WESTPHAL l.c. p. 2026.

biger das Haus seines Gefallens gebrauchen. (u) Fragmentum Juris *Suerinensis*, manu IOACHIMI WEDEMANNI scriptum sine anno, desumptum ex Codice antiquo, dictum articulum hifce nobis commemorat verbis: *Wäre idt Sacke dat en Schuldener vor Gerichte gemahnet und averfchrdet werde, und nicht bethalen kunte, und versetete den sin Hus, dem he schuldig is, den schall de sülve, den det Hus versettet is, dremahl binnen 6. Wecken dat sülve urbeden vor dem Gerichte, un wenn de Schuldener den nicht sin Hus einlöset, so mag den he so schuldig is, dat sülve Hus in seinen Genutt kehren.* (w) Hæc quidem lex civitatis *Suerinensis* in Statutis, quæ CHRISTIANVS HÖVISCH collegit, mutata esse videtur; (x) sed res, si mutationem recte pensites, eo redit, ut aliter inter se creditor ac debitor convenerint. Si igitur in id consenserint, ut domus pignori tradita, nisi intra triplicem terminum Saxonicum, oblatione ejus debitori ter in judicio facta, reluatur a debitore, cedat creditori pleno jure domini; nec hæc mutatio valori pacti commissorii quidquam detrahit. In *Juris Communis Provincialis Ducatus Sleswicensis* Codice, qui inscribitur *das Jüdtische Lowbuch*, Lib. 3. cap. 56. ita cautum legimus, ut, si pignoratione quadam facta, pignus ante diem omnium Sanctorum haud reluatur, id in commissum cadat. Verba legis probe conceptæ sic jacent: *Die Pande, de vor ingeschüttet Veh, vthgesetzt, unde vor aller Hellenen Tage nicht wedder eingelöset werden, de syn vorbrocken*; quæ in indice subjuncto ita explicantur: *Die Pfande die vor Willkürde Brüche in Bauerhofften abgepfendet werden,*
D so

(u) Ibid. p. 2028. (w) Ibid. p. 2029. (x) Ibid. p. 2028.

so die nicht für aller Heiligen gefreyet werden, sind verstanden. Pignora itaque *commissa* lex statuit, quæ nique ab anno 1240. jam viguit, quo tempore Codex ille Legum in Comitibus *Warinburgensibus* jussu *Waldevmari II.* Regis *Daniæ* publicatus est.

§. X.

Extra *Germaniam* nostram etiam inolevisse eandem consuetudinem, qua pignora, pecunia haud intra præfixum tempus soluta, in commissum ceciderunt, eos vix subibit mirari, quos haud fugit, quænam gentes sint *Germanicæ* originis, & quænam mores suos *Germanicos* & vivendi instituta aliis provinciis intulerint, ubi hodiernum aliquid præci ac *Germanici* moris reliquum animadvertimus. Sic *LVITPRANDVS* Rex *Lombardorum* præcepit, ut debitores aut fidejussores in *Austria* & *Neustria*, (y) pignora, quæ intra triginta dies haud reluerunt, amitterent. Lex eam in rem conscripta hujus est argumenti: *Etsi per triginta dies pignora ipsa aut debitor aut fidejussor neglexerit, si in Neustria & in Austria fuerit, amittat ipsa pignora, & non habeat facundiam requirendi.* (z)

§. XI.

Eandem consuetudinem & apud *GALLOS* olim in usu fuisse nos dubitare haud sinit charta *Comunitatis*

(y) *Neustria* s. *Istria* erat pars *Occidentalis Italici*, sive *Lombardici Regni*: *Austria Orientalis*, atque eo nomine præcipue designabatur *Ducatus Fort. Julii seu Friaul.* conf. *MVRATOR.* Tom. II. *Script. Rer. Ital.* p. 72.

(z) Lex prostat ap. *LINDENBROG.* Lib. II. *Leg. Longob.* Tit. 21. §. 24. et ap. *MVRATORIVM* Tom. II. *S. Rer. Ital.* sub titulo: *LVITPRANDI Leg.* Lib. VI. §. 55. p. 72.

munie Noviomensis, i. e. civitatis Noyon anno 1181. conscripta, atque a Rege Philippo Augusto eidem concessa. Hoc perverusta consuetudinis monumentum arbitramur dignum, quod & hic in conspectum prodeat: Si quis terram vel domum in vadimonio posuerit, vel aliquid aliud, & determinato tempore non reddiderit; ille, qui vadimonium habet, si voluerit illud assignare sibi & ad se trahere, Judices & Scabinos illuc adducat; & si post infra quindecim dies redemptum non fuerit, perpetuo sibi jure possideat, & iudicibus octo denarios, Scabinis quatuor exolvat. (a)

§. XII.

Nec a vero plane aberrabimus, si etiam HISPANIS placuisse contendamus juxta dictamen rationis contrahui pignoris adiacere legem *Commissoriam*. Obtulit se mihi quasi aliud agenti charta *Guilhelmi Raimundi, Comitis Ceritanie*, (b) intentioni meae admodum apta, in qua duæ villæ in valle *Confluentina* sitæ pignori an. 1084. supponuntur *Canignonensi* Monasterio, ea lege, ut, si comes pecuniam post annum haud solveret, villis utantur, fruantur, possideant ac teneant Monachi cum Abbate. Verba, quæ pactum *Commissorium* innuere videntur, sunt hæc: *Quod si ad hunc terminum destinatum, ut supra dictum est, hæc pecunia minime fuerit restituta, sine ulla reservatione vel fraude Sancto Martino & Tibi Petro Suniarii Abbati & Monachis ejusdem loci liberam in Dei nomine habeatis licentiam, omnia hæc allodia*

D 2

supra

(a) vid. STEPHANI BALVZII *Miscell.* Lib. VII. p. 300.

(b) in *Marca Hispanica*, quæ autore PETRO DE MARCA *Æp. Parisiensi* anno 1688. Parisiis prodit, p. 1147.

supra dicta possidere & retinere, & exfructuare, *sicut alia allodia vestri Monasterii sine aliqua inquietudine, & est manifestum, &c.* Quod si vero existimes, pecunia post anni decursum haud exsoluta, pignora mansisse penes creditores sub pacto *anticbretico*; non adeo tibi repugnabo, cum charta aliqua laboret obscuritate, nec satis ad liquidum perducatur quid paciscentibus placuerit, ut omnis disputatio circa eam evanescat plane.

§. XIII.

Idem mos sub pacto commissorio pignus obligandi quondam in DANIA obtinuisse, ex ALBERTI CRANTZII *Saxonia*, (c) evictum eunt nonnulli ex eo, quod CRANTZIVS circa annum 1411. ita scribat: *Comes Henricus*, (tutor filiorum Gebhardi Comitis Holsatiae) a Rege Daniae Erico *castibus fere inclusus ob damna Danis irrogata ad undecim aureorum millia taxata, se obligatum sentiebat, ut loco pignoris ob dictam summam solvendam opidum Flensborg cum vicina Nova domo deponeret, ea lege, ut nisi infra annum pecunia solveretur, res caderet in commissum, nec posset in reliquum lui. Valebat apud Danos pactum Legis Commisoriae tam in pignoribus contra juris prohibitionem, quam in emptione, &c.* (d) Interim tamen Comes *Henricus* cum aliis tutoribus nepotum pactam pecuniarum summam intra anni metam offerens restitutionem opidi aliquoties frustra postulavit, Rege varias belli causas perfide comminif-

(c) Lib. X. cap. 26. p. in. 275.

(d) Conf. hic *Chron. Holsatiae* in LEIBNITII *Access.* Part. II. cap. 24. p. 90.

miniscente. (e) CRANTZII itaque testimonio innixa est opinio, apud Danos tunc temporis valuisse in pignoribus *Legem Commisforiam*, quam autem, ut fatear, quod verum est, in recentiori Legum *Danicarum* Codice haud invenio repetitam, nec denuo promulgatam. Fortasse & ibidem hactin re Juris Civilis postea prævaluit auctoritas ac sanctio.

§. XIII.

Huc usque ex multis chartis pignoratitiorum contractuum atque rerum olim gestarum satis abundeque ostendimus, quibus cautionibus usi sint Germani pristini, aliique populi, si ipsis animus fuit, de pecunia aliis mutuo data sibi, acceptis pignoribus, paullo promptius prospicere, atque defugere tedium ob distractionem & venditionem pignorum, in casu non subsecutæ solutionis, necessario vel in judicio, vel extra id subeundum. Nunc vero & despiciendum, quid *olim* Jure Romano obtinuerit, & *hodie* post adoptionem Juris Romani subsidiariam apud nos intuitu pacti commissorii circa pignora in usu sit.

§. XV.

Ante *Constantinum M.* pactum commissorium in pignore nulla unquam lege vetitum, sed potius licitum fuisse, luculenter commonstrant duo loca CICERONIS, quæ ad demonstrandam rem hic adducere operæ pretium erit. In *Oratione* pro FLACCO, cap. 21. dicitur: *Pecuniam adolescentulo grandi favore, fiducia tamen*

D 3

acce-

(e) vid. LAMBERTI ALARDI *Res Nord-Albingæ* in *Perillust.*
 DN. DE WESTPHAL *Momum. inedit. Rev. Germ.* p. 1827. et
Chron. Holsatiæ ap. LEIENIT. in *Access.* Part. II. cap. 24. p. 90.

accepta, occupasti: Hanc fiduciam commissam tenes hodie & possides. Et *Epistolar. familiar. libr. XIII. ep. 56.* hæc occurrunt verba: *Philotes Ablabandensis ὁ ποθῆνας Cluvio dedit.* Hæ commissæ sunt. Cures velim, ut aut de hypothecis decedat, easque procuratoribus Cluvii tradat, aut pecuniam solvat. Et hæc sunt fortasse illa loca, quæ in mente habuit FRANC. BALDVINVS *Jct. in Constantino Magno suo, p. n. 290.* Ita enim ait: CICERO duobus locis significat, suo tempore pignus committi potuisse, pecunia ad diem non soluta. Ex hisce CICERONIS locis ad oculum patet, veterem opinionem de improbata jam prisco jure commissoria in pignore nullo modo sustineri posse. Romani enim antiqui legem illam sive pactum commissorium, ut, non exsoluta ad diem pecunia, res creditori pleno jure & perpetuo adquiratur, nonnuncquam *Fiducie pacto*, similiter ac *hypotheca* superaddiderunt, ceu exempla ex CICERONE excitata luculentissime hoc ostendunt; ex quibus tamen haud sequitur, *Fiduciam semper continuasse Legem Commissoriam*; quin contrarium evincit, quod apud PAVLLVM *Sent. Recept. Lib. II. tit. 13. §. 1.* legitur: *Creditorem distrabere fiducias, & de superfluo teneri debitori*, quod sane cum lege commissoria neutiquam stare potest, præsertim cum creditor fiduciarius *ab initio statim factus dominus pignoris*: non autem demum postea, *intercedente lege vel conventionne commissoria.*

§. XVI.

De veterè & antiquo jure *Digestorum* jam quæramus, utrum eo commissoria hæc cautio licita fuerit, nec ne? Sunt certe, qui antiquo jure damnatam eam pariter fuisse autumant, ceu BALDVINVS in *Constantino Magno* p. m.

p. m. 290. ad ALEXANDRI Imp. legem l. C. de pact. pignorum provocans; &, cum in usum nihilominus postea venisset, a Constantino M. rursus damnatam. At errorem hunc non solum ARIVS PINELLVS, GODEFREDVS DE IENA & IAC. GOTHOFREDVS confutarunt: (f) sed & ipse Constantinus M. satis indicat, se Legem Commisforiam improbare, quæ hætenus probata erat, sed ideo improbare, quod asperitas eius crevisset, non, quod antea veteri jure damnata fuisset; atque adeo clarum est, Constantinum in Lege Cod. Theodos. de Commisforia rescindenda jus novum ordinare, neutiquam vetus renovare. Ex quo confit, pactum commisforium ante Constantinum M. qui Legis III. C. de Pact. pignorum autor est, neutiquam fuisse interdictum. (g) Nam ex Lege unic. Cod. Theodos. de Commisforia rescindenda, cujus conditor Constantinus fuit, emanavit Lex III. C. de pact. pignorum, quam paucis mutatis promulgavit TRIBONIANVS. Hanc legem Constantini non modo compilatores ΒΑΣΙΛΙΚΩΝ in Lib. XXV. tit. VII. de districtione pignorum. l. 62. sed & Jus Canonicum cap. 7. X. de Pign. & Jus Feud. I. F. 27. II. F. 51. §. Similiter approbarunt.

§. XVII.

Quamquam Jure Justiniano in aulas foraque nondum inducto ac adprobato Legem Commisforiam circa pignora secundum dictamen rectæ rationis sæpius admitti-

(f) ARIVS PINELLVS ad rubr. C. de Rescind. Venditione P. II. cap. l. n. 27. sq. GODEFREDVS DE IENA de Lege Commisforia et IAC. GOTHOFREDVS ad Legem Cod. Theodos. de Commisforia rescind.

(g) vid. LVDER. MËNCKENII disp. de Lege Commisforia a jure reprobata. §. XI. p. in. 16.

miserunt *Germani*, uti exemplis supra plena manu adductis est ostensum; eam tamen, facta Juris Justiniani receptione, paullatim tacite reprobata fuisse, ex eo colligere licet, quod contractus *pignoratitii* sub hac lege initi *admodum rariores* vel *plane non* amplius cum effectu in conspectum prodierint. Quin imo Ordines Imperii & Imperator anno 1577. eo usque progressi sunt, ut lege publica eam, nisi explicite, tamen implicite e Germaniæ foris unanimiter proscriberent exterminarentque. Cum enim vel maxime in mutuo a IVDAEIS dato commissoria legis abusum metuerent, *Recessu Imp. s. Ordinatione Politica Imp. anno 1577. Tit. XX. von Juden und ihren Wucher §. 5.* legis commissoriae prohibitio vel expresse introducta vel renovata est hisce verbis: *Und dieweil man in Erfahrung kompt, daß die Juden mit den Christen sondere Geding machen, da die eingesetzte Pfand in benannter Zeit nicht gelöst würden, daß alsdann dieselben ihnen verfallen seyn sollen; Wann aber dasselbig den Rechten zuwieder, so ordnen Wir, daß solche Geding verboten und nichtig seyn, sondern sollen die Juden die genommene Pfandt, da dieselbe in gebührender Zeit von den Schuldigern nicht gelöst würden, durch Erkandnuß ihrer Obrigkeit, wie sich zu recht gebühret, umgeschlagen, verkauft, und das übrige Geld, da den Juden das sein ericht, dem Schuldiger gefolgt und berausgegeben werden.* Verba huius legi inserta: *Wann aber dasselbig den Rechten zuwieder* luculento nobis sunt indicio, prohibitionem pacti commissorii *jure Imperii* factam fuisse universalem circa pignora, atque adeo non ad solos Judæos restringendam, sed ad Christianos quoque protendentem, dum legi isti adversum adstruatur.

§. XVIII.

Dantur etiam jura *Provincialia*, quæ Legis commissoriæ prohibitionem subditis singulari studio inculcant, quibus recensendis ne nimium immoremur, sufficiat commemorasse nonnullorum Principum leges eam in rem publicatas. Jure *Provinciali Prussie*, Part. II. lib. 4. von Pfändung Tit. V. art. 4. §. 6. p. 93. (ed. d. anno 1722. in fol.) cautum est: *Gleicher Gestalt wollen wir auch hiermit als ein unnütz, injust und den Rechten zuwieder das pactum legis commissoriæ in den Pfändungen gänzlich abgethan und verworffen haben. - - Und obgleich vorgedachtes pactum L. commissoriæ mit dem Eyde bestätiget und confirmiret were worden; so soll es doch nicht Krafft und Statt haben.* Ordinatio Elect. Palatina de an. 1582. Part. II. Tit. 16. p. 29. de eodem pacto sic disposuit: *Ander Geding aber, als daß das verpfändete Gut des Schuldbherrn möge seyn und bleiben vor die Schuld zu bestimpten Ziel mit entrichtet, oder, daß der Schuldner die Pfand nicht mehr zu lösen haben solle, sind alle unbindig.* Et Mandatum Elect. Saxon. d. anno 1609. Von wucherlichen Contracten und zulässigen Cessionen, §. Item, *cujus verba sunt hæc: Item daß einer ein geringes Geld auf Pfand, so weit mehr werth ist, ausleibet; und darneben diß ausdinget, wenn es innerhalb gewisser Zeit nicht gelöst wird, daß es alsdann verstanden seyn soll; quod ipsum tamen non simplicem, sed partialem legis Commissoriæ prohibitionem proponit, quoniam lex Commissoria, cum creditum æstimationi pignoris haud inæquale est, annumerari non solet conventionibus usurariis, quas enumerare ibidem Serenissimi Electoris intentio est.* (b)

E

Jus

(b) conf. LVDER. MENCK. disp. de *Legē Commiss.* thes. 14. p. 19.

Jus Provinciale Saxo-Gothanum P. II. c. 4. Tit. 20. §. ult. p. m. 261. de pacto Commisitorio circa pignora sanxit & hoc: *Nichts weniger wollen wir auch das in Rechten verworfene pactum legis Commisoriae, daß nemlich ein zu bloßer Versicherung gegebenes Pfand, da es in gesetzter Zeit nicht wiederum eingelöst würde, solte verstanden seyn, obgleich dasselbe unleugbar mehr, als die geliebene Summa würdig, in unsern Landen gantzlich verboten haben.* Idem: *que repetitum ac inculcatum legimus eisdem verbis in Ordinatione Provinciali Saxo-Altenburgica Part. II. cap. 4. Tit. 20. §. ult. p. m. 312: Pactum legis Commisoriae contractui pignoratitio adjectum etiam improbat* Jus Würtembergicum, Part. II. Tit. 7. p. 258. In Ducatu Curlandiae, dictum pactum etiam reprobatum scimus, teste formula Reginius, (i) ubi hæc animadvertimus verba: *Conventio talis, ut certo tempore pecunia non soluta pignus in commissum cadat creditori, admitti non debet, nisi pignus æstimatum creditori datum fuerit.* Quam severissime idem pactum sub lege commisoria in pignoribus legitur interdictum in der erneuerten und verbesserten Policey-Ordnung der Kayserl. und des Heil. Reichs Burg Friedberg, (gedr. 1680. recus. 1739.) Tit. XIII. §. 3. Periluktres enim legislatores ibi ita faciunt: *Demnach auch die Erfahrung giebt, daß zum Vorthail der Eigennützigten, den armen benötigten Leuten aber, zum höchsten Verderben, solche pacta bey Geld-Auslehnungen gemacht werden, daß der Lebner dem Ausleiher, die sonst zur Versicherung gegebene Güter, so doch insgemein weit mehrers sich betragen, gleich ob sie vor das geliebene Geld ihm, Ausleihern, verkauft*

(i) In CHRISTIANI NETTELBLADTI Fasciculo Rer. Curlandicarum I. p. 28. n. CL

kauft waren, verschreiben, und darzu die Clausel annectiren muß, wenn die verkaufte innerhalb 3. 4. 5. oder mehr specificirte Jahren, nicht wieder eingelöset würden; so dann der Ausleiber, oder sogenannte Käufer es vor sein Eigenthum gantz zu halten, und damit nach seinem Gefallen zu schalten Macht haben, immittelst aber biß zur Verfließung der benannten Jahren, und ehe die Wiedereinlösung geschicht, der Käufer dieselbe an statt der Pension, darzu mit verbottener Übermaaß genießen soll. So ordnen wir, daß solches vor einen wucherlichen Contract gehalten werden, und der Ausleibende, so genannte Käufer, obangesehen die bestimmte Zeit der Wiederlösung verflossen, dennoch solche auf Wiederlösung verkaufte Güther, so er die Zeit über genossen, gegen Erlegung des Capitals, und was es sonst rechtmäßig zu fordern hatte, ihm Verkäufern, restituiren solle. Denique in Jure Provinciali Mecklenburgico, a DAV. MEVIO JCo probe delineato, de pactione eadem commissoria Part. III. Tit. 15. §. 16. sic cautum est: Ist auf den Nichtzahlungs-Fall verabredet, daß der Gläubiger an statt der Schuld, das Pfand behalten, und sich zueignen möge, obgleich solches Eydlichen versprochen, ist es zu Recht ungültig; Daß aber vor einem gewissen zur Zeit der Versendung gesetzten Werth, wann solcher nicht gar zu hiederlich, oder was es Zeit gebührender, aber nicht geschäbener Zahlung nach Marckgangigen Preiß, oder ehrlicher Biedermänner aestimation sich zueignen möge, mag wol verglichen werden, und soll beständig seyn. (k)

E 2

§. XIX.

(k) Hoc Jus MStem in lucem protraxit Vir in egregium ac luculentum commodum ornamentumque orbis doctioris et Reipublicæ omnino natus factusque, Perillust. Dn. DE WESTPHAL in Tom. I. Monumentorum Ineditorum Rer. Germ. p. 798.

§. XIX.

Mirum est, quomodo sit factum, ut post introductum in Germaniam *Jus Romanum*, adeo improbatum damnatumque deprehendamus Pactum Commissorium in pignoribus, ut postea nec ullus, quod noverim, repertus fuerit legislator, qui id probaret & in usum jure quasi postliminii reduceret, etiamsi id per multa sæcula inter Germanos antea usu valuerit ac licitum fuerit, seu supra evictum dedimus. Principes Germaniæ repetierunt potius & confirmarunt *Constantini M.* legem, pactum *Commissorium* plane abolentem, prout ex adductis *Ordinationibus Provincialibus* abunde intelligitur.

§. XX.

Sed nunc quæstio oritur : num & moribus Germanorum, quibus *Jus Romanum* in fora sua invehere placuit, conveniens fuerit simul cum his recipere ac approbare *Legis Commissoriæ prohibitionem* in pignoribus, atque ea morem circa pignori obligationem tum frequentius ac magno cum commodo servatum abrogare, tollere, proscribere? Si nobis hic expromere licet, quod sentimus, nobis ea sedet opinio, vix Germanorum moribus veluti per manus a majoribus laudabiliter traditis consentaneum fuisse, his repudium mittere & pacti commissorii prohibitionem, tamquam Deam Germanis adeo propitiam ac salutarem probare, osculari, devenerari. Demonstravimus enim supra §. 2. & aliorum auctoritate §. 3. corroboravimus, pactum Commissorium legi Naturæ neutiquam adversum esse, sed amice cum eo conspirare. Ni hoc effet, procul dubio prisca Romani, nostrique Germani sibi duxissent religioni, idem pactum circa pignoris constitu-

stitutionem in bene moratis & ordinatis Rebuspublicis suis per multorum sæculorum intervallum admittere ac custodire. Deinde tanta tamque sancta atque singularis pactorum apud *Germanos* custodia erat, ac promissorum fides, quantam vix inter alias gentes adverteres, (l) ut & honesto more vivendi invaluerit paroemia: *Ein Wort ein Wort, ein Mann ein Mann.* (m) Hinc iisdem etiam nihil prius atque antiquius fuit, quam pacta sub lege commissoria inita sarta tecta servare ac implere. Quæ repente videbantur insigniter mutata, intruso in fora Germaniæ *Jure Justiniano*, & ex eo præcipue *Lege III. C. de pactis pignorum* ad res Germanicas intempestive applicata; tunc enim si quis Germanorum pactum commissorium forte contractui pignoris *majorum more* adjunxisset, pactum illud, ex sententia legis *Romanæ*, dicebatur irritum, & pristina illa veri juris Germanæque justitiæ paroemia sonabat nunc: *Ein Wort kein Wort, ein Mann kein Mann.* Hac ratione institutum patrum, quod huc usque sancte custodiverant, exceptione prohibiti pacti commissorii pessumdatum sentiebant boni Germani, quibus haud dubie fidem fallere datam admodum grave fuit. Unumquemque perquam facile intelligere arbitror, quasnam de hac mutatione juris diutissime observati conceperint cogitationes, utrum eam colaudandam, an insectandam esse existimaverint. Res ipsa loquitur, illis non potuisse magnopere probari, si quid, contra majorum egregia fidei & honestatis laude

E 3

con-

(l) vid. *TACITVS* de *M. Germ.* cap. 24. et *Annal. Lib. XIII.* cap. 54. n. 5.

(m) conf. *HERTIVS Lib. I. de Paroemiis Jur.* paroem. 8. p. 402. - 409.

conspicuum morem & consuetudinem, honore non amplius suo ac pretio aestimaretur; sed potius irritum ac injustum, ita disponente jure peregrino, declararetur ac condemnaretur. Licet Romano legislatori debitorem ita obligari, ut pignus, pecunia intra diem præstitutam minus soluta, creditori pleno acquireretur jure, valde durum fuerit visum; Germanis tamen dictorumque suorum multo tenacioribus æquum ac fidei Germanicæ admodum congruens videbatur, fidem semel datam sancte custodire & quovis honesto modo liberare.

§. XXI.

In mores sane apud Germanos iverat, nihil prætermittere, quo alteri fidem alterius arctius ac efficacius adstringi & probari posse existimabant; proinde non facile pactum aliquod de quadam re faciebant, quin *genus pænæ quoddam ex conventionione* irrogandæ pactiōnem minus exacte servaturo strenue statuerent: unde & factum, ut plerasque Germanorum conventiones *pænis conventionalibus* communitas videamus. Jam apud Francos invaluerat, ut, qui minus solvendo erant, se ipsos in solutum darent, idque creditoribus in ipsis chirographis diserte promittebant debitores, ceu testantur MARCVLEI Formul. lib. II. cap. XXVII. p. m. 422. *Quodsi exinde negligens aut tardus apparvero, licentiam habeatis, sicut & ceteros servientes vestros disciplinam corporalem imponere.* Et paulo ante cap. XXV. debitor se & heredes suos eo casu creditori ejusque heredibus vel cessionariis servituros spondet his verbis: *Dum & ad meam petitionem & necessitatem supplendo vestra bonitas habuit, ut libram de argento de rebus vestris mihi ad beneficiū*

cium præstitistis, ideo per hoc vinculum cautionis spondeo me Kalendas illas proximas ipsum argentum vestris partibus esse redditurum. Quod si non fecero, & dies placitus mei præfinitus transierit, pro duplum in crastinum me aut heredes meos vos, aut heredes vestri, aut cui hanc cautionem dederitis exigendam, teneatis obnoxium. Conf. & cap. XXVIII. ibid. p. 422. ()*

§. XXII.

Si oculos & cogitationes in tabulas paullo solemniore obligationum a majoribus nostris quondam conscriptarum conjicimus, earum argumenta, mentem paciscentium, formam ac rationem paciscendi contemplaturi; sæpenumero nobis ob oculos versantur chartæ, quæ nos condocent, neglecturis promissionem, aut *famæ & existimationis* jacturam imminuisse (n) aut illam hor-

(*) Germani sibi licitum existimabant, se ipsos oppignorare pro re alieno *Addit. CAROLI M. ad Leg. Sal. §. 8. IEX LONGOB. Lib. II. Tit. XXXIV. §. 1. add. Meinen Entw. von Landf. Adel in Teutschland. Part. I. cap. 3. §. 6.*

(n) Eiusmodi obligationis exempla subinde occurrunt in collectionibus veterum chartarum ac diplomatum, v. g. d. anno 1218. in Perillustr. 10. PETR. DE LUDWIG *Reliqu. MSt. Tom. II. p. 214.* et d. anno 1237. p. 222. CHRON. FRIEBURGENSE apud KÜNIGSHOV. Elfs- und Straßb. Chron. in transactione Comitum Egonis de Friburg et civitatis *Friburgensis* de anno 1293. p. 25. WENCKERI *App. et Instr. Archiv. p. 196.* P. MEICHEL. *Hist. Frib. Tom. II. Part. 2. n. 173. pag. 103.* V. C. DN. KUCHENBECKERI *Anal. Hass. Coll. I. p. 99.* conf. MICH. GRASSI *disp. de promissione sub amissione honoris existimationis, famæ ac fidei. Tubingæ 1702.* PETER MÜLLER *de Obligatione sub infamia bym Schelm-Schelten.* Ipse Imperator CAROLVS IV. anno 1360. in arbitrio inter Albertum seniore ac juniorem atque inter

horrendam & vix tolerandam legem subeundam fuisse, ut ad omnem posteritatem *pietura quadam famosa* defraudationem testandi jus esset creditori; (o) aut obligationem sub pœna *Banni* incubuisse, ita, ut definito tempore haud soluto eo, quod debebatur, privari se *societatis civilis* aut *sacrae* juribus ac dignitatibus paterentur; (p) aut pœnam *amittendarum libertatum de jure opidi municipali* concessarum representatam fuisse; (q) aut

inter Rudolphum Comitem de *Veltkirchen* sic lato, ut *Hugonis* Comitis de *Montfort* hereditas inter sponfam *Alberti Jun. Com. de Wûrtemberg* et alteram filiam *Annam* dividatur, etc. et hanc adiecit pœnam: *Und welcher Teil, diese egenante Sûne überfure, und sie nicht hielde, als sie davor begriffen ist, der und die fullen meineidig seyn und erlos und fullen und wollen wir und der Landfriede in Swaben dem andern Teil us sie getrewlich beygestendig und gebolsen sein.* Uti loquitur *Laudum ap. Illustr. Dn. GLAFEY in Anecd. p. 366. n. 250.*

- (o) vid. 10. SAL. BRUNNOVELL disp. de *pietura famosa et de pacto*, quo maiores nostri sub *pietura famosa* sese obligarunt. Conf. GOTTL. VOIGT de *Additione ad manus præsertim Saxoniam. Cap. VIII. §. 19. p. 121.* ubi casus specialis sistitur.
- (p) De hoc argumento V. C. Dn. Dr. CHRIST. HENR. ECKHARD in disput. de *obligatione sub pœna Banni Ecclesiastici et Imperialis*, officium Respondentis erudite obeunte Dn. 10. HARTM. ERN. DE WITZLEBEN, *Equite Thuringico*, præclare egit. Cum nobis inter legendum bonæ frugis autores nonnulla exempla hoc argumentum amplissime illustrantia in manus inciderint; eorum recensum in *appendice* huic opusculo subiuncta lectore cum curioso communicare, nostrarum esse partium existimavimus, ut quisque inde intelligat, usum huius obligationis sub pœna *Banni Imperialis et Ecclesiastici*, haud adeo superioribus sæculis fuisse infrequentem.
- (q) Exemplum nobis suppeditat HEDA in *Historia Ultraiektina*, p. III. 228.

aut carceris *squalorem calamitatemque* sustinendum; (r) aut metum ad *patiendam depredationem* impendisse. (s) Omnium malorum, quæ debitoribus imminabant, olim erat paene frequentissimum obligatio ad *obstagium*, quod debitores ad incitas quam facile redigere poterat, nisi fidem datam justo tempore liberarent: (t) Quin imo nonnulli Ecclesiarum *Canonici* eo impudentiæ progrediebantur, ut se ita obligarent, ni intra conventum tempus fortem ac usuras solverent, se *ritu divino* haud functuros. (u) Admodum singulare erat pactum, cuius mentio facta est in diplomate, quæ Otto, Rex Hungariae,

(r) IVS SAX. ELECT. *Part. II. Const. XXII.* GAILLIUS d. *Pacti Publica lib. II. cap. 1. n. 23.* V. C. DN. CARL. GVIL. GAERTNERI disp. d. *Femina debitrice ex pacto ad carceres obligata.* §. 6. p. 17.

(s) vid. Perillustr. DE LVDEWIG Differ. I. R. et Germ. de *Donation.* diff. 1. cap. 4. p. 25. HEINECCI Elem. *Jur. Germ. lib. II. Tit. XVI. §. 442.* * et 460. *

(t) TABOR de *Jure obstagii*, SCHILTER de *Jure obfidum.* POTGIES. *Comm. erudita de Obstagio*, et HEINECC. Elem. *J. Germ. lib. II. Tit. XVI. §. 452.* Singulare exemplum vide infra in *Append. §. V.*

(u) Talia impia exempla damnant *Statuta Synodalia* IOHANNIS III. *Episcopi Eichstadiensis* d. anno 1435. Can. XLIV. in V. C. IO. HENR. A FALCKENSTEIN *Cod. Dipl. Nordgov. append. pag. 70.* ubi de *pignorantibus cultum divinum* ita sancitum est: *Abusum etiam illum cultui divino manifeste derogantem, quo nonnulli Ecclesiarum Canonici contrahentes debita, sic se creditoribus obligant, ut nisi statuto tempore satisfaciant, a divinis cessent officiis, abolentes et obligationem huiusmodi, etiamsi iureiurando firmata sit, irritam decernentes statuimus, ut qui talem illicitum contractum fecerint, trium mensium fructus ipsi ecclesie applicandos ipso facto amittant, & quamdiu divina*

gariæ, Com. Pal. Rh. et Dux Bavarizæ, itemque *Henricus & Otto Duces Bavarizæ* Statibus suis Provincialibus, i. e. *den Landberren, Grafen, Freyen und Dienstleuten*. Jctio- nem *Hofmarchialem* anno 1311. die S. Viti concesserant; in eo enim Duces Bavarizæ cum Ordinibus suis dictis ita pacti sunt, ut, si vel ipsi Duces vel eorum Officiales *jura Ordinibus Bavarizæ indulta violarent transgredique auderent*, Ordinibus dictis esset licitum, aliis domini *auxilium* contra Duces Bavarizæ *impune implorare & se adversus hos defendere*. Verba diplomatis laudati ipsa hic adducere præstat: *Es habend auch all unser Landherrn, Graven, Freyen und Dienstmann, vor uns geschworen einen Aidt, mit unserm Willen und Haissen; daß sie einander geholfen seyn, ob in icht an diesen Sachen von uns, oder von unsern Amt-Leuten bekrengt wird, oder überfahren, daß sie sich darum an einen andern Herrn halten mit Dienst, durch Heltfer und Rettung, wider uns, daß sie deß, noch ihre Erben, nicht entgelten sellen, an ihren Treuen, noch an keinen Gnaden oder Sachen gegen uns oder unser Erben, noch die Herren, da sie sich anhabend, sellen deß auch an ihren Treuen nicht entgelten.* (w) Periculo sane haud exiguo

divina non resumerint, nullos ex ipsa Ecclesia proventus recipiant. In appendice huic opusculo subiecta §. V. produci- mus exemplum obligationis sub pœna suspensionis DIVI- NORVM, ad quam se Magdeburgense et Halberstadiense Ca- pitula anno 1316. adstrinxerunt.

(w) Integrum diploma typis exscriptum legimus in ANT. WILH. ERTELS *Bayr. Atlante* P. I. p. 304. locus a nobis adductus extat ibid. p. 315. Et dictum privilegium anno 1347. denuo Ordini- bus Inferioris Bavarizæ confirmavit Imperator LUDOVICVS BAVARVS, in eadem successor. vid. diploma ap. LÜNIG in *der*

exiguo se exposuerunt Domini territoriales, tale pactum cum subditis eminentioris ordinis ineuntes, quo his integrum esset, existente casu, obedientiam atque obsequium erga illos exuere, & semet ipsos cum alio Domino contra Dominos suos tueri. Quodsi itaque Germani tum principes tum cives sponte ejusmodi mala & onera in se firmandæ fidei causa suscipere polliciti sint, eorumque incommoda fortiter subire haud dubitaverint, fide non, uti debuerat, liberata; facile ad intelligendum est, Germanis multo durius ac gravius fuisse visum, pactum Commisforium, morè majorum celebratum, Lege III. C. de pactis pignorum interveniente, tolli, quam pignus committi vel creditori pleno jure adquiri. Proclive sane creditu est, eos jacturam pretii, quo pignus sortem ac usuras superabat, vix tanti fecisse, quanti fidem alteri datam non sancte præstare, vel eam exceptione quadam infirmare aut eludere. Nam ideo sub lege *Commisforia* contrahebant Germani, ut eam sancte adimplere vellent. Tantum & tam admirabile declarandæ & servandæ fidei studium olim

der mittelbaren Ritterschafft P. I. p. 579. n. 6. quod et an. 1355. Dux STEPHANVS repetiit. vid. LÜNIG. l. c. p. 582. n. 8. Ab huius pacti indole haud secessionem facit cautio ista, quam in divisione terrarum *Wilhelmi, Senioris*, Landgravii Thuringiæ et Marchionis Misniæ anno 1410. observant *Fridericus, Wilhelmus* et *Fridericus, Junior*, Landgravii Thuringiæ et Margravii Misniæ, hisce utentes verbis: Welche unsre Partie daz also nicht hilde, So sulden unsere Lande Slosse Stete und Lute sich an die andern Partie die daz bildet also lange das solche Inlegunge abegethan und gebalden werden also vorgeschribin seet ane Geverde. vid. HORNII *Leben und Geschichte Friderici des Streitbaren* in Cod. Dipl. p. 758. et 761.

Germanorum fuit, ut, quo quisque honestior & fidei studiosior tenaciorque erat, eo lubentius pateretur, se quam arctissime obligari; indeque est, quod ultro & sua sponte durissimas etiam pactiones, quas firmamentum ac robur securitatis esse existimabant, si promissa haud adimplerent, in se susciperent, & quidem ideo, ut enixam & constantem servandi ea, quæ promiserant, voluntatem aliis declararent & creditoribus majorem cautionem suppedirarent.

§. XXIII.

Si in rationes inquiras politicas, cur pactum commissorium in pignoribus exulare jubeat lex *Constantini*; redduntur nonnullæ, quæ meo judicio, quod sentio, quam sit exiguum, vix tantum ponderis habere videntur, ut pactum inter debitorem & creditorem consulte sancitum destruere atque irritum facere deberent. Existimant plerique Jurisconsultorum, debitores de mutuo inveniendi sollicitos, *indigentia*, quæ eos circumstat, ad quævis pacta circa pignora maximo suo cum dispendio ineunda compelli. At hoc in universum veritati haud esse consentaneum, experientia, optima rerum magistra, testatur. Viris enim *honestis ac probis*, quibus in more positum est, promissa juste facere verbaque sua plene redimere, nunquam deest occasio *æquis* conditionibus mutuum inveniendi & accipiendi sine pignore vel sub pignore, nulla mentione legis commissoriæ facta. Quilibet creditorum non nescius, debitorem nomen suum constituto tempore probe expun-
cturum, de remediis arctioribus recuperandæ pecuniæ in futurum haud cogitat, sed cum ejus fidem nec du-
biam

biam nec suspectam habeat, nec ulla cautione opus esse existimat. Tantum igitur abest, ut vir *vere honestus & pro veritate firmissimus* ad ineunda quævis pacta sibi cum tempore facile damnosa compellatur, ut potius multi adsint creditores, qui tali viro *æquis* conditionibus pignore vel obligato vel non, pecuniam mutuam præbere gestiunt. Si quis mihi forte obvertat: *bonus sum vir, nomen tempore statuto expungere volo, deficit tamen mihi creditor*; eum rogatum volo, ut semet ipse, suasque rationes domesticas sine præconcepta opinione examinet, num & *vere talis* sit, cui alii *tuto* fidant & pecuniam absque sufficienti cautione mutuent? Multi videntur, sed non sunt honesti. Prudenti diffidentia creditoribus nihil utilius: solida & expressa fidei germanæ effigies nunc rara; ejus umbra & imaginibus utimur multo crebrius. Hinc inficias ire nolo, istos homines, *de quorum fide vel plane non constat, vel quorum fides admodum dubia ancepsque est, vel qui egregia alios defraudandi jam ediderunt specimina*, obligari quasvis conditiones a creditore oblatas accipere & comprobare, si mutuatam pecuniam sumere velint sub pignore; ast creditoris diffidentiam, quæ ceu luculentum deploratæ inter homines fidei argumentum se prodit, mala ipsius debitoris excitavit conditio, ob quam creditor nonnisi sub lege Commisforia mutuum dat, quo sibi ab illius fraudibus ac procrastinationibus plene caveat, eumque ad liberandum pignus constituto tempore eo firmius obstringat, vel tempore relutionis præterlapso pignus sibi pro forte ac usuris jure dominii adquiratur. Possunt esse rationes non leves, cur creditor distractionem pignoris defugere malit, quippe quæ raro sine lite ad

finem perducitur. Uti enim permulti Germani ab antiquissimis temporibus jam a litium ambagibus abhorruerunt, ceu horrendo & truculento exemplo apud **FLORVM lib. V. cap. 12.** testatum fecerunt; ita & hodie, plerique judicia, quamvis bene constituta, quovis modo declinare, omniaque media conquirere ac adhibere solent, ut id, quod ipsis debeatur, sine iudice ac expensis brevi manu obtineant. Igitur quo finem hunc providi eo facilius ac certius adipiscantur creditores, eo conventiones illico dirigunt pignoratitias, ut, nomine intra determinatum tempus haud expuncto, pignus ejus nomine datum ipsis jure dominii adquisitionem intelligatur. Nullam profecto video rationem, cur debitor, pignore vigore pactionis commisso, querelas instituat & asperitatem creditoris accuset. Imputet enim sibi, tum quod ita, & non cautius, sit pactus: tum quod die præstituta pecuniam creditori suo haud restituerit. Si enim tempore solutioni præfinito debitum disolvat, pignusque recte reluat, hoc neutriquam legi commissoriae subjacebit. Nec nostra ætate fieri potest, ut *honesto & probo* debitori unquam desit occasio *versuram* æquis conditionibus faciendi, & hinc ære *alieno* pignus iterum iterumque liberandi, alique creditori supponendi, qui forte legem Commissoriam ei vel plane remittat, vel tempus multo longius relutionis indulgeat. Et hoc modo debitori *bonæ existimationis*, qui aliis *solvendo esse* videtur, pignus suum ad multos annos quam facile conservabitur integrum. Quodsi vero debitoris fides *adeo angusta & labefactata* est, ut nemo nisi sub lege commissoria contractum pignoratitium cum eo celebrare velit, tunc & habet, quod sibi soli imputet,

puter, dum alias male servando fidem, effecit, ut nunc alii omnium rerum fidem ipsi abrogent, nisi metum defraudationis plane remotum videant omnem. Sola paupertate fides nostra non concidit, sed pauperi cum illo Comico, *Phor. V. 7.* adhuc exclamare licet: *Quanta, quanta hæc mea paupertas est, tamen adhuc curavi unum hoc quidem, ut mihi esset FIDES.* Sane si quispiam non fluxam, sed *solidam*, eamque data quavis occasione luculenter testatam gerit fidem, ei roganti numos non deerunt, qui fidenter eos quoque dant mutuos. Secus autem erit, si quis rem fidemque jam perdiderit; tunc alterum non facile ad mutuum præbendum alliciet, nisi omnes sibi præscriptas a creditore leges habuerit ratas. Sed quis tunc, rebus ita comparatis, vitio vertet creditori, si cautionibus quibusvis sibi consultum eat? Ex his, ut spero, facile ad existimandum erit, non *debitorum indigentium* & summam necessitatem, qua eos subinde circumdatos deprehendimus, in causa esse, ut contractum pignoris sub lege Commisoria inire nonnunquam adstringantur, sed eorum jam *sublestior, affecta & dilapsa fides* eo adigit creditores, ut cum illis cautius mercari & sibi meliorem in modum vigilare velint ac soleant. Sat utique grave est ac vehementer dolendum, bonos creditores sæpenumero magna detrimenta hodie ab iis pati debitoribus, qui *specie honestatis ac probitatis* illos inducunt, & pecunia mutua accepta, præter omnium fere spem decoquunt, nihil creditori- bus suis, quam triste amissæ pecuniæ relinquentes desiderium. Sciunt nonnulli debitorum dolos suos in pe- ctore tam docte consuere, ut in actionibus externis signa fidei aliquandiu yafre ostendant & subinde edant; *Fraus enim,*

enim, teste FABIO MAXIMO apud LIVIVM *lib. 28. cap. 42. fidem in parvis sibi præstruit, ut cum opera pretium sit, cum mercede magna fallat.* Hinc ingeniosis debitorum artificii crebro res eo deducitur, ut creditores defraudationi & damno se expositos opinione citius experiantur, etsi rem ipsis esse cum bonis viris vel maxime crediderint. Quæ cum ita sint creditoribus haud succensendum arbitror, si pecuniam sibi debitam pignoris pactionisque beneficio salvam servaverint & aliquid forte perceperint lucri, pignore tempestive haud liberato atque adeo commisso. Mirum est, neminem in scenam prodire, qui creditoribus amisam fortem cum usuris legitimis restituere, vel eorum doloribus succurrere cupiat: grandem autem ex adverso tunc ad eripiendum proflire turbam, si quis creditorum ope pignoris pactionisve aliquid lucri insoliti obtinuisse dicatur; cum tamen nihil æqualitati sit convenientius, quam lucrum & damnum, quod cuique obtingit, uti in aliis negotiis, ita in hoc quemlibet sentire negotiatorem pecuniarum.

§. XXIII.

Inter alias rationes, cur CONSTANTINVS M. auctoritatem suam interponendo omnem *Legis Commisoriae* in pignoribus usum *Edicto* ad populum urbis Romæ emissio in perpetuum abrogaverit, etiam hanc adferunt: *Futurum esset, hac admissa pactione, ut nec facile aliquis reperiretur, qui sine hac lege vellet credere, & hoc modo debitores re sua abrupte privari, post diem solutioni adlapsi.* Hoc argumentum a metu desumptum vix in nostra tempora quadrare videtur: nos enim ea penuria pecuniæ hodie

hodie non laboramus, qua olim, ubi paucis tam felicibus esse contigerat, ut aliis pecunia sua suppetias ferre possent. Ingens videlicet creditorum hodie hic atque illic prostat numerus, qui aliis vel *vere* vel *speciose honestis* pecuniam credere solent suam, modo de eorum fide & solutione mutui dati suo tempore facienda securi reddantur; plerique consuetis usuris contenti, nullas de lucrando pignore cogitationes suscipiunt, usuris quotannis recte disolutis: quin imo mutuum ad multos annos facile prorogant, experientia teste, si modo debitor frugaliter vivat, nec bonis labi vel decoquere videatur. Esto nunc pignus sub lege commissoria datum esse: si tempore solutioni destinato reluatur, id non committitur; relutio autem debitori eo facilius erit, quo majori fide apud alios valet, qua permoti vix dubitabunt, quin inopia in praesenti laboranti succurrant, modo tantum in bonis *probabiliter* habeat, unde aes alienum exsolvi queat. Quodsi fides debitoris ita *affecteda suspectaque* est, ut nemo ei mutuum dare conetur, nisi pignus sub lege commissoria creditori supposito; tunc debitoris esse partium censeo, ut ante diem praeterlapsi termini vel quaerat emtorem pignoris, cui vendatur, vel alium creditorem, cui repignoretur, forte inde & usuris priori creditori exsolutis: alioquin ob supinam negligentiam & incuriam merito, uti conventum, pignus commissum iudicatur, ut eo modo creditor suum recipiat, & eidem a tædiis, quibus distractio pigoris saepius implicata est, dilgentius sit cautum.

§. XXV.

Gravissimum, quod contra legem commissoriam
G urgent,

urgent, argumentum eo redit: *pignus creditori appositum, ipsam quantitatem crediti sua aestimatione plerumque excedere, atque adeo creditorem, pignore in commissum cadente, magnum captare lucrum, debitorem vero sentire damnum.* Si quis hæc sine ulteriori pensitatione legit & tamquam satis explorata & liquida adprobat, fieri non potest, quin legem Commissoriam pignori adjectam actutum crassæ iniquitatis ineuset crimineturque. Sed res sapissime non adeo clara est, ut nihil dubii sit reliquum. Nam pignus & summa mutuo data hic invicem ponderanda sunt; *comparatio rei & pecunie contrahentium arbitrio relinquitur*, atque adeo ea secundum unius cujusque *imaginationem vel phantasiam* in rebus *legalem* aestimationem non habentibus admodum discrepat; hinc fit, ut una eademque res alteri magni, alteri vero exigui pretii esse videatur: in rebus igitur *legali* pretio destitutis lasso evanescit, quæ tum demum adest, si certo demonstrari potest, rem *tantum omnino* valere. Haud raro evenire solet, ut eidem rei, cui hodie magnum, cras autem vix leve statuatur pretium, & contra. Quomodo, si supponas rem incertæ existimationis, creditorem sub lege commissoria pignus sibi constituentem, in dolo esse dici possit, haud video, licet multi tale quid effutiant deblaterentque. Qui sibi satis cautum esse omni ope nititur, non dolose, sed prudenter agit ac recte. Omnis providus creditor pignus pretio summam mutuo datam excedens merito & iuste requirit, ut non solum de sorte, sed & de usuris & aliis incommodis facile inde emergentibus sit securus. Nihil iniquitatis inesse pacto commissorio supra evicimus, licet ejus ope, pecunia creditori debita intra diem præstitutum

tum

tum haud exsoluta, pignus maioris etiam pretii pleno jure adquiratur creditori. Cuilibet enim rerum suarum arbitro & domino integrum est bona sua jactare, alteri donare, & cum iis agere pro lubitu. Cur ipsi, seposita Lege Romana, non esset licitum, etiam in sui præjudicium alteri fidem suam pactione commissoria circa pignus adstringere? In honestos profecto creditores valde injurii nobis videntur, qui eos ob pactum commissorium defraudationis ac iniquitatis arguunt postulanteque; cum tamen ii duce rectæ rationis cum debitoribus suis sub dicta lege contraxerint, & eadem varia incommoda arcere voluerint. Nec facile existimandum est, aliquem debitorem, nisi ei læva sit mens, rem *certe* æstimationis, quæ sortem & usuras pretio manifeste superat, legi Commisoriæ esse subjecturum, cum nihil hodie sit facilius, quam rerum *certe* æstimationis emptorem vel etiam alium creditorem invenire, qui forte sub pretio vero pignoris sibi satis cautum putet, nec de lege commissoria adjicienda cogitet.

§. XXVI.

Vix intelligentia assequimur, quid sit, cur pacto commissorio *lex civilis* adeo repugnet ex hac sola ratione, quoniam plerumque pignus quantitatem mutui suæ existimatione superet; cum tamen nobis satis cognitum ac perspectum sit, eandem *æqualitatem rei ac pretii* in aliis negotiis humanis non adeo accurate & severe observari, ceu *auctiones* quotidie apud nos docent *publicæ*, in quibus res vel liber magni pretii plurimum licitanti pro exiguo vel levissimo sæpius addicitur pretio; si nemo adsit, qui plus liceatur, Quis vero est,

qui de iniquitate ac defraudatione auctonum ex hac ratione, quia rei auctione venditæ haud verum statuatur pretium, querelas exciter; etiam si, finita auctione actutum aliquis adsit, qui ultra alterum tantum pro re, beneficio *auctionis* jam vendita offerat, atque adeo, si jus aliqui circa emtionem venditionem receptum sequi vellemus, enormissimam læsionem adesse dici possit; nihilominus tamen res lege *auctionis* levi etiam pretio acquisita, legitime acquisita intelligitur, utur inter omnes constet, rei quæ licet, pretium, longissime superare pecuniam, & rebus pretium magis tumultuarie, quam consulto constitui. Cum itaque lex antiqua & recens desit, quæ rem levissima licitatione natam licitanti deneget; nullam etiam video rationem sat urgentem, cur legem in odium creditorum sub pacto commissorio contrahentium condiderit *Constantinus M.* qua eorum liquidum creditum haud raro in litem proterve trahitur.

§. XXVII.

Deinde neminem fugit, æqualitatem rei ac pretii pro re vendita dati in ipsa emtione venditione sub lege de retrovendendo abscisse & stricte vix attendi, utur relutioni, tempore, retrovenditioni præscripto, prorsus præterlapso, plane nullus detur locus. Nec ratio tunc valet, emtorem in magno versari lucro, venditorem contra in damno, etsi denegata post præterlapsum tempus retrovenditione, venditor mora sua, quam sæpe non sua malitia sed egestate contrahit, haud leve commissæ receptionis damnum incurrat & afflictio afflictio videatur addita. Si enim retrovenditio iusto tempore non
exer-

exerceatur; res sub lege retrovenditionis vendita, penes emtorem manet *in perpetuum* & venditori in posterum nullum reliquum est jus eam rursus adipiscendi, (x) atque adeo id plane *commissum*: deprehenditur: quamquam rei sub lege retrovendendi venditæ vix dimidia vel tertia pars *jussi pretii* fuerit statuta. (*) Quis vero prodit mortalium, qui de retrovenditionis ad certum tempus adstrictæ ac intra id haud usurpatæ querelas moveat, & emtorem iniquitatis increpat, licet hic, si ex vero pronunciandum, sapius plus, quam creditor pignoratitius sit lucratus. Uti nunc Majores nostri sub lege commissoria res suas pignori supposuerunt; ita & ipsis admodum solemne fuit, res suas sub conditione ultra certum tempus retrovendendi aliis vendere, ceu innumera prostant exempla, ex quibus unum atque alterum etiam hic allegasse, vix ingratum erit. In *Cor-pore Historiæ mediæ ævi* a IOANNE GEORG. AB EC-CARD collecto (y) retrovenditionis quorundam prædiorum ad dies vitæ hunc in modum mentionem animadvertimus factam: *H. Dei gratia Bavariorum Dux pro XX. talentis auri probati datis ex thesauris Ecclesiæ S. Babebergensis jussu Swideri ejusdem ecclesiæ secundi Episcopi per manum N. Advocati sui quadam sui juris prædia N. & N. dicta in pago N. in Comitatu N. comitis sita cum omnibus eorundem pertinentiis - - in jus & dominium - - ecclesiæ Babebergensis potestiva manu tradidit, hac interpo-*

G 3

sita

(x) CARPZOV. P. II. C. I. Def. 8. STRYK *U. Mod. ff. Tit. d. Contr. emt. sub rubr. de pacto retrovenditionis* §. 48.

(*) ANT. FABER in Cod. tit. de *Rescind. Vendit.* def. 29. CARPZ. P. II. C. I. d. l. n. 7. BERGER. *lib. I. Resp.* 17 l. n. 1.

(y) *Tom. II. p. 97. n. CVII.*

sita ratione, ut si ipse, vel frater ejus aurum æqualis precii supradictæ ecclesiæ restituant, prædicta prædia in suum jus recipiat: sin autem Babebergensis Eccl. - - prædia omnium remota contradictione & iniquitudine proprietario jure in perpetuum possideat. Ministeriales tamen ad eadem prædia pertinentes cum bonis ipsorum sibi tantum ad finem vitæ suæ servituros excepti: post finem vero vitæ suæ eosdem Ministeriales simili potestate, eademque conditione, qua prædicta prædia - - Babebergensis Ecclesia possideat, anno MLXVI. Indict. III. Id. Nov. Ratisponæ. Aliam chartam, qua Goschalvus de Parkentin, Præfectus Holfatiæ Novo Monasterio 4. mansos in villa Halenbecke anno 1264. sub reservatione reemtionis vendidit, in lucem produxit Perillustis Vir Du. DE WESTPHAL, (2) ejus argumentum & hic legere juvabit: Ad omnium notitiam cupimus pervenire, quod nos quatuor mansos in villa Halenbecke, cum omni jure, sicut ad nos pertinebat, nullo penitus præter judicium, ut infra specificabimus, excepto, resignante uxore nostra publice & voluntarie, cujus dos erat, & consentientibus fratribus ipsius, nec non & omnibus cohæredibus nostris, vendidimus Ecclesiæ novi Monasterii pro centum marcis denariorum, reservato nobis jure redimendi dictos mansos infra quatuor annos, quos si infra vel ex tunc non redemerimus memoratæ Ecclesiæ jure hereditario remanebunt. Neque nos impransos dimittit SCHANNAT, qui (a) in lucem protrudit chartam Berthoi II. Abb. Fuldensis d. anno 1269. qua Fridericus, miles de Slirese & ejusdem uxor Hildegundis certos redditus novo clan-

(2) In Monumentis ineditis Rer. German. Tom. II. p. 46.

(a) In Probationibus Diæcesis et Hierarchie Fuldensis, n. 73. p. 286.

clauströ in *Blanckenowe* liberaliter ac devote dederunt, *tali tamen interposita conditione*, ut si provocata Cunigundus relicta, aut sui pueri *infra terminum X. annorum* pro XL. marcis argenti reemere decreverint reditus prædictos, dictum claustrum argento recepto, reditus ipsos, cessante contradictione quælibet, reddet ipsis, *quod si facere non curaverint*, præfatum claustrum sæpe dictos reditus de nostra permissione *jure proprietatis in perpetuum possidebit*. Opportune & in manus hic incidit charta, eaque nuper demum a Viro Summo, *Perilluſtri DE WESTPHAL (b)* doctiori cum orbe liberali manu communicata, in qua *Joannes Comes Holsatie* anno 1334. vendidit Novo monasterio censum, qui dicitur *Grevenſcath* in parochia *Bredenberge* pro 300. marc. eidem concedit plenam exemptionem omnium onerum, salvo tamen *jure relictionis*. Verba dictæ chartæ huc spectantia ita concepta leguntur: *Nihilominus tamen ex favore speciali prædicti Præpositus & Conventus annuendo consentiunt, ut nos vel heredes nostri nulli alteri permittentes, sed ad usus nostros proprios dictum censum nostrum infra decem annos a dato præsentium, quandocunque conveniens nobis fuerit, reemere ab ipsis poterimus pro pecunia ante dicta. Quodsi non fecerimus, sine omni impetitione nostra & heredum nostrorum, sæpeditis Præposito & Conventui eadem parochia in perpetuum libera permanebit. Et in CHRONICO SCHWARZACENSI (c) Walterus III. hujus nominis & tum XXII. Abbas, qui anno 1354. ordinatus & anno 1366. obiit, vendebat seu oppignorabat sylvam den*

(b) Tom II. *Moniment. inedit. Rerum German.* p. 118.

(c) Apud *Perilluſtr. DE LUDWIG S.R. Germ. in primis Bambergensium Tom. II. p. 28.*

den Lichtenwald Gotfrido de Weipfeld cum omnibus suis
attinentiis & juribus - pro LXIV. talentis Halensibus,
ea conditione, ut si intra terminum *quinque annorum* præ-
dicta silva redimeretur, pro summa superius notata,
omne jus prædictæ silvæ rediret ad monasterium vel
ecclesiam Schwarzacensem. Hac ratione majores no-
stri sub lege retrovenditionis emtiones venditiones
inierunt, & nos hodiernum easdem eodem modo cele-
brare solemus; & quanquam prætermisso neglectoque
a venditore retrovenditionis beneficio, emtio venditio
quondam sub pactione de retrovendendo in perpe-
tuum inconcussa maneat; nihilominus tamen in foris
nostris prævaluit sententia, in contractu emtionis ven-
ditionis cum pacto de retrovendendo læsionem ultra
dimidium non attendi, atque adeo idem cum læsione
etiam enormissima subsistere, nec contractum ideo pro
fœneratio & simulato haberi, quod pretium æstim-
ationem mercis non attingit. (d) Si itaque in negotio
dicto *lesio ultra dimidium* haud in considerationem ve-
niat, cur eam adeo severe attendere velint in constitu-
tione pignorum cum pacto Commissorio conjunctorum,
nulla nobis obvia est ratio; præsertim, cum nihil faci-
lius sit, quam pactum circa pignus commissorium in
locum emtionis cum pacto de retrovendendo substitue-
re, & hac cautione *Constantini M.* prohibitionem elidere
vel infirmare. Tale quid & quotidie usu venire solere,
experientia testatur frequens. Pacti circa pignora com-
missorii prohibitio mihi simillima videtur *legi Saxonica*
Electa-

(d) A. FABER ad Cod. Tit. d. *Rescind. Vendit.* Def. 29. CARPZ.
Part. II. cap. 1. def. 1. n. 7. BERG. *Part. I. Resp. 176. n. 1.*

Electoralis, qua uxori interdicitur, *geradam* marito in præjudicium *proximæ cognatæ* donare, quam tamen exiguò pretio eidem vendere potest. (e) Et quantumvis uxorem *ultra dimidium* ex venditione Geradæ forte læsam ex L. II. C. de *Rescind. Vendit.* agere posse existiment; actio tamen contra maritum emtorem instituta revera caret effectu, propterea, quod hic conventus facile eligit *supplementum pretii*, idemque illud sibi, tamquam *heredi mobiliari* jure Saxonum deinceps vindicat. (f)

§. XXVIII.

Sunt quoque pacta, quorum usum nihilominus probant fora Germaniæ, etiam si eorum argumentum ita sit comparatum, ut debitor, si convento tempore promissum haud impleat, vel summam debitam, aut censum minus exsolvat, grande incurrat discrimen; quis vero est, qui pactiones tales ideo iniquitatis incuset postuletque? v. c. GEWOLDVS (g) chartam in lucem edidit, cujus vi debitor *servituti obnoxius* reddebatur, si *per triennium* annum Canonem exsolvere negligeret. Litteræ eam in rem conceptæ ita se habent: *Comes Ekkbertus*

H

tus

(e) conf. III. DN. AD. FRID. GLAFEYS, Consil. Aul. Reg. Pol. et Elect. Sax. *Grund-Satze der Bürgerlichen Rechts-Gelehrsamkeit.* CARPZ. *Part. II. Const. 13. def. 11. sq.*

(f) BERGERI *Oec. Jur. lib. II. T. II. q. 28. n. 6. p. 278. sq.*

(g) AD HUNDII *Metropol. Salib. T. II. p. 222.* Huic chartæ gemina est donatio Gertrudis, sororis CAROLI M. d. an. 812. quæ prostat in LEVCKFELDI *append. II. ad Antiq. Paldenses* p. 244. ubi hæc verba huc faciunt: *Illi vero, qui censuales per nos facti sunt, sive vir, sive mulier, quinque denarios in assumptione Mariæ solvat; et si quis per triennium talem censum non persolverit, QUOTIDIANÆ SERVITVTI ET IVRI subiacbit, etc.*

tus delegavit Fornbacensi cœnobio (Formbach) *servum suum*, (quem forte sub hac lege manumiserat) nomine Gerhoh eo pacto, ut singulis annis quinque numos persolvat, vel, si tribus continuatim annis præscriptum tributum reddere omiserit, servituti obnoxius sit, &c. Aliam eamque notatu dignam nobis sistit P. MEICHELBECKIUS (b) in qua, agente Ottone de Missowe, ita conventum erat, ut nisi statuto tempore duo fratres (Lublino & Nekelon Judæi, Comites Camerae Dacis Austriæ, Cammer-Knechte) Episcopo Conrado I. Frisingensi ducentas libras argenti puri numerarent, nihil deinceps juris in ea prædia haberent: si vero pecunia illius summam Episcopo exhiberent, in posterum ususfructus ad eos pertineret. Et si hæc charta satis ostendit, debitores ususfructum certorum prædiorum tunc perdidisse, si statuto tempore dicta summa argenti Episcopo ab iisdem haud fuisset exsoluta, nemo tamen ejusmodi obligationem sub pœna amittendi ususfructus dixerit iniquam ac irritam. Quilibet solutione prompta defugit pœnam, quæ ipsi certo imminet, si in ea moram injustam necitat. Nec desiderantur pacta, quæ debitorem, nisi intra statutum tempus fidem liberaret, ad *diplum* adstringebant, quale exemplum d. anno 1284. nobis etiam subministrat laudatus GEWOLDVS. (i) Ego Ewerbinus Ederstorarius mihi & meis posteris per XXIII. lib. denar. Ratisp. apud Dominos meos de Osterhoven Curiam in Posching sub scripta conditione jure hereditario comparavi, videlicet, ut ipsis annis singulis in Festo beate Margarethæ XXXVI. denar. pro censu solvere, vel saltem

(b) Tom. II. Hist. Frisingens., p. 47.

(i) ad HUNDII Metrop. Salib. Tom. III. p. 27.

tem infra octavam sequentem nullatenus contraditam, quod si non fecerim in duplum dictis Dominis me profiteor obligatum hoc adjecto, quod si eandem curiam vendere decreverim, primo ipsis Dominos meos de Osterhoven requirere promisi; si autem emtionem conducere recusaverint, cuicumque voluero, vendere & obligare potero curiam prænstatam. In hac emtionis venditionis charta emtorem non modo in casum census statò die non soluti ad pœnam dupli; sed & in eventum ulterioris venditionis ad indulgendum prioribus creditoribus *jus protumiseos* obligatum animadvertimus. Nemo tamen tantum sibi sumit, ut hunc contractum ob adjecti dupli pœnam iniquitatis infimulet damnetque, etiamsi emtor forte ob penuriam pecuniæ in dupli incidat pœnam. Cur id, quod in uno negotio admittimus, in altero, v. g. in pacto commissorio circa pignora reprobamus? Nulla JCtis alia superest ratio, quam quod Legislatio Romana olim ita voluerit, quamque superiora tempora etiam apud nos invexerunt non secus, ac si æquitatem ipsam in Germaniam advenientem comprehendissent, utut nubem Romanam pro Junone Germanica, recipiendo sc. Legem III. C. de pact. pign. & rejiciendo pactum commissorium Germanorum amplexi fuerint. Quodsi Germanorum JCti accuratius expendissent censum pecuniarium, qui statò tempore non repræsentatus alicubi per singulos dies duplicabatur, Germanisque dicebatur *Rutscher-Zinß*; (k) multo utique mitius cum pactione commissoria Germanorum veterum, secundum quam pignus

H 2

con-

(k) vid. IVS PROV. SAXON. *Lib. art. LIV.* IVS PROV. ALEM. *cap. LXVI. cz. Part. II. Const. 38. def. 25. ibid.* GOSWINVS AB ESPACH in *Notis ad CARFZ. cit. def. 25. n. 6. p. 284.*

convento tempore haud redemptum, tamquam poena conventionalis pro mutuo creditori pleno adquirebatur jure, egissent, nec eam sedibus suis invidiose eiecissent. Superiorum sæculorum Jurisconsulti cogitare omnino debuissent, apud Germanos usu venire, ut obligationes pleræque muniantur *pænis*, ad quas contrahentes se ipsi *pactione expressa* adstrinxerunt, ut jus suum sine judice eo facilius adsequerentur & tædiosas disceptationes forenfes evitarent. Hinc non sine ratione dixeris, doctrinam de *pænis conventionalibus* haud exiguam Germanicæ Jurisprudentiæ conficere partem, eamque plerisque conventionibus Germanorum esse familiarem.

§. XXIX.

Demiror, creditori sub lege commissoria in pignore pacifici haud licere, cum tamen debitori integrum sit sibi ita prospicere, ut nomen ipsum post excessum creditoris sui, nulla interim facta mutui restitutione, plane sit extinctum pignusque a nexu liberum. Exempli loco adducere juvabit chartam admodum commendabilem, quæ an 1395. conscripta & a Viro Illustr. HENR. CHR. SENCKENBERG (1) producta est, ubi *Philippus Dominus in Falckenstein & Minzenberg* cum *Godefredo & Eberhardo* fratribus, *Dominis Eppensteinsibus* pactus est, ut quarta pars castri & opidi *Ortenberg* sibi nomine quingentorum florenorum sic pignori esset, ut ipse quidem redditus illius non perciperet, sed tantum castro, urgente necessitate uti posset & loco annuorum redituum

(1) In *Disquisitione de Reluizione oppignorati Territorii*, in *Adiunctis* p. 74. et 75.

tuum *L. florenos* acciperet, reliquis reductibus debitoribus falvis; *Defuncto* autem creditore, nomen quingentorum aureorum extinctum & castrum a nexu plane liberum esset. Argumentum chartæ tale pactum clare indicantis hoc est: *Wir Philipps Herr zu Falckenstein und zu Mintzenberg bekennen - - also als uns die Eitel unsre lieben Neven Gottfrid und Ebirhard Gebrüdere Herrn zu Eppinstein - - versetzt han ibres Teiles ein Vierteile an dem Slosse Ortenberg an Burg und an Stadt für fünfß bundert Guldten Franckfurter Werunge, davon sie uns ierlichen zu Guldten geben sollen fünfzig Guldten Geldes der egenanten Werungen unsse Lebetage. - - Auch ist geredt, wann ader welche Zyt wir Philipps Herrn zu Falckenstein und zu Mintzenberg abe geen von Tods wegin, - - so soll das egenant Vierteile an dem Schlosse Ortenberg - - en und ihren Erben ledig und lois widder werden vnd verfallen sin und sollen die fünfß bundert Guldten dann auch qwyd, ledig und lois sin, und der Brief auch dann tot sin, vnd keine Macht mee han.* Vix miraberis, debitori licuisse ac hodiernum licere, ex pacto cum creditore suo cogitate inito sibi magnum lucrum adquirere, & de pignore sine restitutione mutui tandem gratis liberando pacisci, utut tempus incidere potuerit, quo ipse etiam creditor re sua maxime ad tolerandam vitam indigeat. Ast hæc vix conciliabis cum eo, quod creditori haud hodie licitum sit, pactum commissorium circa pignus valide contrahere, etiamsi olim utrumque licuerit *jure Germanico*, antequam *Justinianicum Jus* in fora nostra penetravit.

§. XXX.

In legem, quæ pactum commissorium vetat, sæpissime

impingunt homines, qui non aliqua lucri spe, sed potius procurandæ securitatis crediti sui causa ad illud bona fide stipulandum alliciuntur, post multum temporis intervallum demum magno cum suo damno experientes, tale pactum in pignoribus vetitum esse. Hinc experientia docti falsum pronunciamus, *omnes hodie etiam de plebe nosse*, quod illud interdictum sit, utut pereximius JCtus nostræ ætatis nobis contradicat. Cum enim ejusmodi pactio nec juri divino positivo, nec naturali adversa, & ejusdem prohibitio *Jure Civili* demum sit prodita; magis pro plebe militat ignoratio, quam scientia illius; secus autem merito sentiendum est de iis, quos tum aliena tum sua pericula adeo fecerunt cautos, ut nunc indolem ac naturam *pacti commissorii* rectius intelligant defugiantque. Si hi negotiis rerum civilium penitius perspectis ac exploratis omnino satius ducunt, *pacto commissorio* circa pignus plane non uti, atque potius in ejusdem locum surrogare emtionem venditionem *sub pacto de retrovendendo* ad breve tempus initam, qua remtione intra præstitutum terminum haud facta, eundem finem peræque adipiscuntur, quem per pactum commissorium, si huic locus esset datus, fuissent nacti. Unde est, quod *Lex III. C. d. pact. pignor* apud *cautiores* revera careat effectu, utpote qui facillime contractum *aliu*m eligunt & hac ratione *finem legis* destruunt; *incautos* vero & *Juris Civilis* adhuc ignaros interdum in dictam legem impingere inficiari nolo, sed & hos tandem dispendio suo discere multo cautius mercari, confiteri cogor. Proinde vix unus atque alter tam vecors erit, ut pactum commissorium pignoris constitutioni adjicere serio statuatur, aliquid inde lucri capturus, quod
ope

ope alius contractus certius ac largius obtinere potest. Ex his, puto, patet, Legislatores Romanos eo, quod Legem Commissoriam in pignoribus e foro sustulerint, non impedivisse, quominus is, qui alterius pecunia indiget, res suas, *etiamsi pretiosas*, interdum pro modica pecuniæ summa in alterum transferre obligetur. Quam ob rem multo prudentius esset, legem commissoriam aperte in foris nostris admittere, eamque probare, quam ejus interdictione occasionem præbere eam *sub alio nomine* revera frequentius exercendi.

§. XXXI.

Jura permittunt alioquin, ut partes in pleniorẽ contractuum securitatem loco *pæne conventionalis* pignus certum sibi invicem constituent & apud tertium deponant, quod postea is, qui pactiõni contrahit, perdit, atque ei, qui illa stetit, plene acquiritur. (m) Huic itaque pignus sine ullo pretio cedit, atque ille id tamquam *pænam conventionalem* amittit; nemo tamen est, qui pignoris dispendium, quod contra promissã faciens patitur, depleoret crimineturque, vel talem pœnam conventionalem improbet. Neque injuria, nam damnum, quod quis sua culpa sentit, sentire non videtur. Si quis nunc & hæc paullo attentius consideret, vix sufficientem videbit rationem, cur Jctorum animus ad commiserationem adeo compositus ac pronus conspiciatur erga debitorem, cujus pignus dicitur *commissum*, si justo tempore mutuum haud exsolvat, atque adeo pignus reluat. Quid enim impedit, quominus statuamus, debitorem, qui

(m) vid. chart. in MEICHELBE. *Hist. Frising.* p. 561.

qui convento die pecuniam mutuam restituendo pignus haud liberat, hoc in solutum dare cogi, atque quantitatem debitum ac usuras excedentem loco *pactae conventionalis tacitae* cedere creditori. Quodsi *pactam conventionalem*, uti fit, in aliis contractibus admittimus; quid est ergo, cur adeo eam in contractu pignoratio admittere repugnemus?

§. XXXII.

Pactum commissorium nec *statuto* nec *consuetudine* approbari posse, ajunt nonnulli apud LAVTERBACHIVM *ad. ff. Tit. d. pignor. act.* quorum sententiae autem adstipulari eo magis dubito, quo certius atque expeditius est, omne *statutum & consuetudinem*, si modo legi divinae positivae aut naturali non repugnet, valere; at pactum commissorium legi divinae nullo modo contrariari, supra §. 2. clare ostensum est; Ergo nihil obstat, quo minus illud in fora Germanorum vel *statuto* vel *consuetudine* rursus recipi ac introduci possit, proscripta *lege III. C. de pact. pignor.* quae post adoptionem Juris Justiniani in foris Germaniae pactiorem commissoriam in pignoribus, alioquin usu valentem, sensim abrogavit & inter actus vetitos retulit. Quare & nos alit spes, futurum, ut Juris Germanici usus circa pactum commissorium tandem aliquando rursus introducatur & in usum pristinum more majorum revocetur. Neque huic mutationi refragabitur *Ordinatio Imperii Politica* d. anno 1577. ad §. 17. supra adducta, in qua *Tit. XX. von Juden* §. fin. discrete provisum & adjectum legimus: *Doch soll hierdurch denen Churfürsten und Ständen an Ihren von uns habenden Kayserl. Regalien, Privilegien und zustehenden Gerechtigkeiten Ordnungen zumachen nichts*

nichts präjudiciret oder benommen, sondern ihnen vorbehalten seyn. Ex qua provisione Legislatoria facile intelligi potest, Ordinibus Imperii omnino adhuc integrum esse alias ordinationes in regionibus suis publicare, etiam Ordinationi illi Politicæ Imperii plane adversas. Add. THOMASII disp. de Statuum Imperii potestate Legislatoria contra jus commune. Quæ cum ita sint, nihil legislatoribus nostris obstat, quo minus Pactum Commissorium circa pignora a majoribus nostris frequentius usurpatum custoditumque rursus adoptent, approbent & colant, atque adeo vestigia majorum sequantur.

§. XXXIII.

Uti enim nimis grande odium erga creditores & profusa propensio in debitores, vel intempestiva misericordia in hos, & invidia in illos in causa esse videntur, ut instituta majorum nostrorum pactum commissorium in pignoribus manifesto adprobantia per Legem III. C. d. pact. pignor. jam diu explosa animadvertamus; ita & malitiosis debitorum multorum defraudationibus in dies mirum in modum crescentibus, futurum speramus, ut creditoribus tutiora promptioraque remedia, & inter ea etiam pactum commissorium suppeditentur, ne fraudibus & machinationibus debitorum suorum adeo facile se expositos ac relictos sentiant. Nulla superest causa, cur adeo benignos erga debitores nos promiscue exhibeamus, eorumque ingenio ad devorandas aliorum opes valde proclivi temere indulgeamus. Nam haud exiguus eorum numerus nobis hodie versatur ante oculos, qui licet jam majori oppressi sint ære alieno, quam unquam dissolvere queunt; nihilominus tamen omnes ingenii animique nervos eo intendunt, ut quibusvis arti-

I

bus

bus & fallaciis ab aliis pecuniam strenue & intrepide sumant mutuam, vel ad versuram magno etiam damno faciendam nanciscantur, haud expendentes, versura fæpennumero iterata tantum æs alienum sensim confari, ut eidem dissolvendo facultates neutiquam tandem sufficiant, sed bonis & honestis creditoribus duntaxat triste suæ sortis ac usurarum relinquatur desiderium. Neque minor est eorum numerus, qui sub specie prægrandis mercaturæ & diffusæ negotiationis multas merces ære aliunde sumto, vel fide de pretio habita coemunt, & deinde pecunia ex mercibus heic ac illic dividendis redacta non, uti par est, ad expediendum nomen, fidenti, quam de ære vel pretio proxima die dissolvendo sancte dederant, liberandam utuntur, sed ejus ope lautius ac sumptuosius in diem vivunt, nec profusæ in ædificiis, hortis, convictibus & apparatibus luxuriæ modum norunt, nec inveniunt terminum, vix unum atque alterum diem abire ægerrime patientes, quo minus liberaliter domum suam hujus vel illius ordinis homines inceptæ ostentationis gratia invitent, quos delicatioribus ac pretiosioribus cibus ac vinis curant. Numquam sane desunt homines, qui alienum cibum, subinde vel, si licet, quotidie rodunt, & tamquam canes venatici de odore opiparas cœnas & lauta unctioraque convivia indagant, ad eaque quasi invitati accedunt, parum de cætero curæ habentes, etiamsi in oculos incurrat, supra vires patrimonii vel reddituum sumptus fieri plusque intra unius mensis intercapedinem consumi, quam est in facultatibus & annuis proventibus, atque adeo aliorum pecuniam simul devorari. Et hac ratione multos famelicos multorum patrimonia deglutire videmus sæpe taciturni. Apud ATHENIENSES, si quem lautius vi-

vere

vere & menſas conquiſitoribus epulis conſtruere videbant, (nam & ſibi paucis dabatur dapibus menſas ornare inemtis,) quam cenſus & negotiatio forſitan ſuſtinere poſſet, illum ad *judicium Areopagitarum*, quos SOLOM primus conſtituerat, citabant, ad reddendam ſumptuum ſuſpectorum rationem. Quodſi idem judicium omni affectione intactum, aut majus apud Germanos hodie lege vel uſu quoque invecum eſſet, haud tam multæ opulentiæ familiæ ſtudio magnificentiæ ineptæ prolaberentur in luxum & dein paupertatem: nec tam horrendus exiſteret numerus nequiſſimorum debitorum, qui tam alienas quam ſuas res turpiſſime decoquerent & creditores ad incitas redigerent. Uſitata cautiones, quibus alioquin creditores ſibi de credito ſuo proſpiciebant, hominum perfidiæ cohibendæ vel evitandæ hodie neutiquam ſufficiunt. Opinione citius accidit, ut cum diligentiffime tibi caviſſe exiſtimaveris, nihilominus te fraudibus deceptum ſentias, ſecundum illud PLAUTINUM:

*Qui cavet ne decipiatur, vix cavet, etiam cum cavet,
Etiam cum caviſſe ratus eſt, ſepe is cautor captus eſt.*

§. XXXIII.

Et hæc ſunt, quæ de pacto commiſſorio in pignoriſbus in fora Germaniæ rurfus invehendo commentari volui. Si ea tibi diſpliccant, haud ægre feram; nemini enim ea obtrudo. Neque neſcius ſum, hujus pacti, etiamſi id olim ſanctè cokuerint cuſtodiverintque Germani, introductionem hodie vnice ſpectare ad legiſlatoriam poteſtatem, quæ nec mihi, nec tibi forte competit. Interim tibi haud grave erit, me argumenta pro ejusdem novæ adoptione maxime facientiæ in præſenti protuliſſe, eaque ſapientiorum & prudentiorum judicio ſubjicere ac relinquere voluiſſe.



APPENDIX,

Ad §. XXII. (lit. p.) pag. 39. & 40. spectans,

QVA NONNVLLA EXEMPLA OBLIGATIONIS SVB POENA IMPERIALIS AC ECCLESIASTICI BANNI QVONDAM CONTRACTAE SISTVNTVR.

§. I.

QVANTVMVIS Vir eximie doctus, mihiq̃ue amicissimus, Dn. Dr. CHRIST. HENR. ECKHARDVS, *Jenens. Societatis latine Ephorus*, in dissertatione sua ad §. XXII. lit. p. a nobis supra citata *Obligationem sub pœna Banni Imperialis ac Ecclesiastici* apposite iuxta & eleganter peroraverit, atque ad fundamenta sua genuina solide revocaverit; eam tamen duobus saltem exemplis §. XIX. & XX. brevitatis causa illustratum ivit. Proinde neque is pro suo in me favore, neque alii mihi sinistre interpretabuntur, si & ego nonnullorum exemplorum copiam hic fecero, thema a V. C. Dn. ECKHARDO præclare elaboratum probe illustrantium.

§. II.

Primum locum occupet exemplum obligationis sub pœna *proscriptionis*, seu *Banni Imperialis* (*Reichs-Acht*) animo deliberato & consensu *Regio* contractæ approbatæque. Id eo magis nostram meretur attentionem, quo rarius simile quid nobis occurrit. RVDOLPHI I. *Imp.* diploma. quo compositionem inter *Ludovicum Com. Palat. Rheni Ducem Bavariz* atque *Henricum Ducem Bavariz*, fratres de Principatibus hereditariis, eorumque iuribus, hucusque valde disputatis apud *Vilshofium* in Bava-

Bavaria initam, anno 1281. ratam habuit ac confirmavit, hac etiam obligatione sub metu *proscriptionis* præter alias egregie ornatum munitumque animadvertimus: *Et si, quod absit, eorum aliquis* (i. e. Ludovicus & Henricus, Duces *Bavarix*) *contra præmissa veniret* *proscriptionis* pœnam, quam voluntarie de consensu Regio susceperunt in se, incident ipso facto & pro proscripito, & tamquam proscripтус a nobis & Imperio quilibet reputari: In quarum scilicet confirmationis & pœnæ *proscriptionis* in casu præmissi testimonium sigilla venerabilium W. Pataviensis, & H. Ratisponensis Episcoporum & prædictorum L. & H. Ducum *Bavarie* una cum nostra præsentibus sunt adpensa. (a) Si igitur Imperii Principes, qui jus suffragii circa electionem Imp. Rudolphi I. exercuere, pœnæ *proscriptionis* seu *Banni Imperialis* semetipsos, consentiente ac confirmante Imperatore subjecerunt; nullus dubito, quin ejusmodi obligatio tunc temporis fuerit valida, & legibus conveniens.

§. III.

Banni Ecclesiastici exempla multo frequentiora sunt, quam *Imperialis*, quippe illa & extra Germaniam minime desiderantur, uti antiqua monumenta evincunt. P. Comes *Nivernensis* jura & privilegia *Burgensibus Altisfiodori* anno 1194. concedens, eam sibi ipse legem scripserat, ut Papa & alii Episcopi, si a conventionem suam cum dictis *Altisfiodorensibus* facta resilliret, vel eam infringere violatè auderet, excommunicationis sententiam in eum expedirent pronunciarentque. Dicta privilegia & jura

I 3

in

(a) Integrum diploma prostat in GEWOLDI *Antibes* ad M. FREDERIVM; TOLNERI *Co. I. Dipl. Palat. n. CXII. p. 78.* et in i. i. NIGII *Reichs. Arch. Cont. II. P. Spec. 4. Abtheil. erst. abs. vom Hause Pfalz und Bayern, p. 131.*

in lucem protrusit *magnus Vir* STEPHANVS BALVZIVS, (b) in quibus se ad pœnam *Excommunicationis* ita adstrictum devinctumque voluit *P. Comes*, si conventionem minus adimpleret: *Rogavi præterea* Dominum Papam & Dominum Senonensem, & Altiſiodorenſem, Lingonensem, AEduensensem, Nivernensem Episcopos, quod si *ſucceſſores mei*, vel ego ab his conventionibus *reſilire*, vel eas *infringere* aut *violare præſumerint*, ipsi in me & *ſucceſſores meos* & *terram meam* ſententiam *Excommunicationis* imponant, nec eam *reſolvant*, donec *Burgenſibus* plenarie fuerit ſatiſfactum quicquid *injuriſe* contra *bas conſuetudines* fuerit irrogatum. Et hæc pœna conventionali promiſſionem de non gravandis hominibus ſuis *Altiſiodorenſibus* tam in civitate, quam in ſuburbiiſ civitatis & in Burgo *S. Gervasii* morantibus communiebat *Comes Nivernenſis*, licet ejus cuſtodiam jam jurejurando confirmaveſſet.

§. III.

Huic chartæ alias in *Belgio* conſcriptas adjungimus, quæ eamdem obligationem ſub pœna *Eccleſiaſtici Banni* complectuntur, inter quas eſt Inſtrumentum *Fernandi, Flandriæ & Hannoniæ Comitis* & *Joannæ* Comitiffæ, in qua, ut Dominus *Comes* captivitate liberaretur, non ſolum *Regi Galliæ Ludovico VIII.* anno 1225. ad grandes pecuniarum ſummas ſe adſtrinxerunt, ſed &, ſi pæſtationem cum Rege factam aliquo modo tranſilirent, pœnam *Excommunicationis* in ſe ſuſceperunt, conſtitutis ſimul etiam *Episcopis*, qui *Fulmen Banni* in eos vibrarent. Inſtrumentum eam in rem prudenter conſcriptum idem *Vir Summus BALVZIVS* (c) in lucem produxit, cujus argu-

(b) Lib. VII. *Miſcell.* p. 229. (c) Lib. VII. *Miſcell.* p. 252.

argumentum, in quantum huc spectat, & hic legisse, haud grave erit: *Nos* Fernandus Flandriæ & Hanoniæ Comes & Joanna Comitissa) *tenemur* Domino Regi *tradere* literas Domini Papæ continentes, quod si ego Comes vel Comitissa *resideremus* de Conventionibus firmatis inter Dominum Regem ex una parte, & nos ex altera parte, sicut in litteris ex utraque parte - - continetur, Archi-Episcopus Remensis & Episcopus Silvanectensis & eorum successores infra quadraginta dies postquam ex parte Domini Regis fuerint super hoc requisiti per literas aut nuntium Dominum Regis promulgarent auctoritate Domini Papæ (d) sententiam Excommunicationis in nos & omnes coadjutores & fautores nostros & sententiam interdicti in terram nostram & terras coadjutorum & fautorum nostrorum & illas sententias tenerent & facerent teneri sine relaxare, quousque id esset emendatum AD IUDICIUM PARIVM FRANCIAE. Et hæc cautio ac obligatio iisdem verbis in charta Ludovici VIII. Reg. Gallie d. anno 1226. iteratur, quam quoque edidit BALVZIVS. (e) Cum, Fernando Flandriæ Comite placide defuncto, ejus vidua Joanna sibi virum nobilem Thomam de Sabaudia matrimonii lege adjungeret, novellumque maritum, tamquam *boninensium* Regi Gallie ob feuda Flandrica anno 1237. demisse offerret; ejus desiderio quidem annuebat Rex, at novus Vassallus antecessoris sui obligationem, de qua proxime mentio facta est, in se suscipere obligabatur. Cui mandato novellus maritus etiam in hunc modum satisfecit: *Ego* Thomas Comes & ego Joanna Comitissa *tenemur*

(d) Litteræ Pontificis Summi d. anno 1224. leguntur quoque in BALVZII Miscell. lib. VII. p. 254

(e) Miscell. lib. VII. p. 259.

nemur tradere Domino Regi literas Domini Papæ continentes, quod si ego Comes vel ego Comitissa vel successores in Comitatu Flandria: resisteremus, quod absit, de Conventionalibus firmatis inter Dominum Regem ex una parte, & nos ex altera parte, Laudensis & Silvanectensis Episcopi & eorum successores infra quadraginta dies, postquam ex parte Domini Regis fuerint super hoc requisiti per literas aut nuntium Dominum Regis promulgarent auctoritate Domini Papæ sententiam Excommunicationis in nos & omnes coadjutores & fautores nostros & sententiam interdicti in terram nostram & terras adiutorum & fautorum nostrorum & illas sententias tenerent, & facerent teneri sine relaxare, quousque id esset emendatum AD IUDICIUM PARIVM FRANCIAE. (f) Ad hanc poenam conventionalem se quoque obstringere tenebatur Gillelmus de Dampetra, heres Comitatus Flandriae, ceu testatur charta anno 1246. conscripta. (g) Ex frequentiori iteratione obligationis sub poena Banni Ecclesiastici abunde liquet, eam non fugitivo, sed meditabundo & probe deliberato animo fuisse adjectam, & per eam magnum robur pactionibus conciliatum.

§. V.

Nec nobis desunt in Germania nostra exempla, quæ obligationem sub poena excommunicationis subinde contractam fuisse, satis declarant. E. gr. Capitulo Bataviensi ad inopiam paene anno 1261. adacto, Canonici stipendium vacantium præbendarum in quinquennium vendiderunt, sed id sub poena Excommunicationis, nisi hanc stipulationem recte observarent, prout verba chartæ desuper exaratae habent: *Et sic commune negotium communi consilio pertractantes*

(f) vid. BALVZII lib. VII. Miscell. p. 270.

(g) Ibid. p. 275.

*Stantes in hoc jam dudum, hoc est ante tres annos convenimus concorditer & de consilio Domini nostri Ottonis venerabilis Episcopi Pataviensis statuimus in virtute Sanctæ Obedientiæ & sub pœna Excommunicationis & juramento, a nobis & nostris successoribus firmiter observari, ut ad quinquennium, cujus anni duo sunt elapsi, & adhuc restant tres, præbendalis stipendii tantum vacantium præbendarum & vacare incipientium vendentes, hoc adjecto, ut ementibus cum omni integritate omnia præbendæ accessoria, quocunque censeantur nomine, ubicunque locorum fuerint, tanquam uni præsentis Canonicoꝝ, excepto duntaxat Canonice dignitatis consortio, ministrarentur. (b) Incidit nuper in manus meas exemplum litterarum, quibus controversia, quæ diu inter Magdeburgensem & Halberstadiensem Ecclesias fuit agitata de possessione castri & opidi *Wegeleben* anno 1316. ita composita cognoscitur, ut *Halberstadienses* Magdeburgensibus exsolverent mille marcas argenti *Stendaliensis*, ac, donec illa pecunia solveretur, Magdeburgenses castrum *Langenstein* in pignus acciperent. Præterea etiam Halberstadienses Magdeburgensibus resignabant dominium castri, opidi & villæ *Frideberg* cum toto Comitatu *Hasegau*, qui tunc *Fridberg* audiebat, item medium fori *Königsweg*, & castrum & opidum in *Nebera*. Licet hujus compositionis formula sit longiuscula, ob varias tamen cautelas, v. c. utriusque partis pœnam Excommunicationis atque suspensionis divinatorum, itenique ob reciprocum obstagium lectu dignissima existimatur, quæ & huic opusculo intextatur, præsertim, cum adhuc sit valde dubium, an alicubi edita proftet integra. *Albertus Dei gratia Halberstadiensis Ec-**

*clesia Episcopus, Henricus Præpositus, Fridericus, Decanus
 totumque ejusdem Ecclesie Capitalum universis Christi fide-
 libus presentia visuris seu auditoris Salutem in filio Virginis
 gloriosæ. Al notitiam omnium, quorum interest, tenore præ-
 sentium cupimus pervenire, quod olim Reverendus Pater
 Dominus Burchardus AEpiscopus Magdeburgensis af-
 ferens, castrum & opidum in Wegeleve cum omnibus eorum
 pertinentiis, quorum possessionem Ecclesia Halberstadiensis
 habebat, ad se & Magdeburgensem Ecclesiam pertinere, su-
 per vendicandis & revocandis eisdem nobis movit nomine Ec-
 clesie sue per multa tempora questionem & super restitu-
 tione eorundem sibi faciendis impetratis quibusdam a Sede
 Apostolica literis gratiosis diutius nobiscum super præmis-
 sis in judicio contendebat. Tandem ad Dei beneplacitum,
 qui pacis est autor, questionis hujus & commotionis dissensio
 extitit per viros idoneos utriusque partis amicos pacis &
 justitie Zelatores juxta formam infra scriptam pacifice &
 amicabiliter reformata. Ita videlicet, quod pro questione
 & dissectione hujusmodi sopiendis dicto Domino Archi-Episcopo
 & sue Ecclesie supra dictis nos & Ecclesia nostra Halbersta-
 diensis dabimus & solvemus mille marcas Stendaliensis ar-
 genti in civitate Magdeburg in terminis infra scriptis,
 scilicet in festo Nativitatis Domini proxime affuturo quin-
 gentas marcas, residuas vero quingentas in festo Joannis
 Baptiste proxime subsequenti, his conditionibus & pactis ad-
 jectis, quod si in primo termino fuerit in toto vel in parte in
 quingentarum marcarum solutione cessatum, si hanc sum-
 mam pecunie a creditoribus recipi contigerit sub usu-
 ris; singulis septimanis super singulis sex marcis sum-
 mæ prædictæ non solutæ in toto vel in parte unus
 loco nomineque usurarum usque ad festum S. Jo-
 annis Baptiste tunc proximum debet accrescere ad de-
 bitum*

bitum supra dictum. Similiter si in festo S. Joannis Baptiste de summa quingentarum marcarum residua in toto vel in parte non fuerit satisfactum, eodem modo usque ad festum natiuitatis Domini deinde proxime secuturum super singulis sex marcis totius pecunie solvende aut partis pro rata singulis septimanis unus loco usurarum accrescit, sicut de aliis superius est expressum. Pro quibus quidem mille marcis Domino Archi-Episcopo & Ecclesie sue in prefatis terminis persolvendis ac etiam usuris, si que super creverint, ut est dictum, castrum nostrum Langenstein sibi & ecclesie sue nomine pignoris obligavimus, & tradidimus obligatum, ita quod ejusdem castri custodia honestis militibus Hermannno de Wederden, dicto de Warmsdorff & Hermannno filio ejus medio tempore ad manus Domini AEpiscopi & Ecclesie sue committatur, sic quod iidem milites ipsum castrum nobis & ecclesie nostre sine qualibet difficultate restituent, cum de debito & usuris, si forte contracta fuerint, plenarie fuerit satisfactum; Et nos ac Capitulum nostrum durante impignorationis castri tempore custodibus ejusdem impensas debebimus procurare: finito autem obligationis termino, si Dominus AEpiscopus & Ecclesia sua castrum finaliter obtinerent, ex tunc nos & Capitulum nostrum certos redditus, sc. quinquaginta marcarum Stendalensis argenti ad sustentandum castrum tenebimur assignare pro expensis, que in castro incubuerint facienda, & ipsum castrum, si predicta pecunia cum usuris accrescentibus non fuerit in dictis duobus terminis persoluta ad hominum AEpis-

quicumque per excogitatam malitiam nomine nostro aut pro
 Ecclesie nostrae commodo predictum castrum Langenstein
 taliter, ut praeiungitur, pignori obligatum injuriose cape-
 ret, occuparet aut detineret in praedictum Domini AEpiscopi
 & Capituli Magdeburgensis praedictorum ex tunc orto de
 Canonicis nostrae Ecclesiae Halberstadiensis, quos ipse
 Dominus Archiepiscopus duxerit nominandos infra men-
 sem a tempore monitionis factae civitatem Magdeburgensem
 intrantem post factam huiusmodi monitionem ibidem continuo
 permansuri quousque debitum, de quo praeiungitur, taliter
 sit solutum; ita tamen quod, postquam praedicti octo Ca-
 nonici se receperint ad jacendum, seu manendum in civi-
 tate Magdeburg, & ibidem per dimidium annum moram
 traxerint, si post lapsum dimidii anni huiusmodi pecunia
 infra terminum praedictum non fuerit soluta praefati octo
 Canonici Excommunicationis & Capitulum nostrae Ec-
 clesiae Halberstadiensis suspensionis divinatorum senten-
 tias a praedicto Domino AEpiscopo Magdeburgensi in ipsos
 prolatas & per prorogationem Ictionis Domini AEpiscopi,
 cui ipsi Canonici nostri sponte de nostro sc. Halber-
 stadiensis Episcopi consensu se submittent voluntarie
 acceptatas debent incurrere ipso facto, & usque ad satisfac-
 tionem debitam praedictis sententiis subiacere. Easdem etiam
 Excommunicationis & suspensionis sententias, ut praedictum
 est, incurrunt, si se infra praefatum mensem post mo-
 nitionem factam in civitate Magdeburg non receperint ad
 jacendum. Si vero secundum formam praescriptam culpa aut
 malitia Domini AEpiscopi & Capituli Magdeburgensis praedictorum
 castrum Langenstein antedictum, postquam eius
 custodiam praesentatum fuerit, capi, occupari, detineri aut
 amitti contingat, intuitu utilitatis seu commodi. Domini
 AEpiscopi memorati ex tunc octo de Canonicis Magde-
 bur-

burgensis Ecclesiæ, quos nos Episcopus Halberstadiensis
 & Capitulum nostrum duxerimus nominandos infra men-
 sem a tempore requisitionis nostræ Civitatem Halberstad in-
 trabunt, ibidem tandiu permansuri continuo, donec prædi-
 ctum castrum nobis & Ecclesiæ nostræ fuerit libere resti-
 tutum. Et si prædicti Canonici, jacendo Halberstadii in
 obstagio per dimidium annum, ibidem manserint non fa-
 cta restitutione castri supra dicti ex tunc vice versa idem
 Canonici octo Excommunicationis & Capitulum dictæ
 Magdeburgensis Ecclesiæ suspensionis divinorum sen-
 tentias per nos in ipsos ex prorogatione Ictionis prolatas,
 ad quas de consensu Domini AEpiscopi se sponte ad-
 strinxerunt, incident ipso facto, & prædictis sententiis tam-
 diu subiacebunt, donec ejusdem castri restitutio nobis & ec-
 clesiæ nostræ facta fuerit cum effectu & eandem coercionem
 Excommunicationis & Suspensionis per prorogatio-
 nem Ictionis contra hos octo Canonicos Magdeburgen-
 ses habebimus, si infra mensem post monitionem nostram se
 Halberstadium non receperint ad jacen. Si vero sepe-
 dictum castrum Langenstein eventu fortuito & inopinate
 sub custodia Domini AEpiscopi perditum fuerit a præfato,
 debito nos & Ecclesiæ nostræ erimus liberati; ita tamen,
 quod pro recuperatione ipsius castri nobis mutuo ad invicem
 pro posse nostro debimus fideliter suffragari, & si recupera-
 tum fuerit, Dominus AEpiscopus ipsum recipiet & retinebit
 in pignore, donec sibi & Ecclesiæ suæ fuerit de debito plena-
 rie satisfactum sub conditionibus & pacis, quæ superius sunt

castris oppidi et villa Vredebergæ cum omnibus suis pertinentiis tam in villa quam in campis agris, nemoribus pascuis, pratis et quocunque nomine alio censeantur: Nec non octo vinearum et promotoriorum, quæ Nobiles Viri Wernherus et fratres sui dilecti de Hildamorsleben a nobis et Ecclesia nostra in feudo tenent, nec non Comitum in Hofegowe, quæ nunc Vredeberg nuncupatur, cum omnibus suis finibus, iuribus, iurisdictionibus ac districtibus, quam Illustris Princeps Dominus Marchio Milnensis habet seu habere debet a nobis et Ecclesia nostra titulo feudali. Præterea et hominum utriusque sexus Litonicæ aut servilis conditionis, quos Comes de Mansfield in dicta Comitatu Hofegowe seu Vredebergæ commorantur tenet et habet a nobis ac medietatem fori Koenigswick et castrum et oppidum in Nevere cum omnibus iuribus et pertinentiis eorumdem et villarum, quæ Eghene dicuntur, Domino Borchardo AEpiscopo suisque successoribus et Ecclesie Magdeburgensi litore donamus et conferimus per presentes, ita quod Dominus AEpiscopus et Ecclesia sua Magdeburgensis prædictorum omnium proprietatem et dominium perpetuis debeat temporibus obtinere. Promittimus etiam fideliter per hæc scripta, quod de universis proprietatibus supra dictis per nos Dominum AEpiscopum et Ecclesie sue donatis Warandiam legitimam et pacificam, prout de iure fieri debuerit, faciemus et facimus pro præsentibus secundum bonam terræ consuetudinem approbatam, quam si forte de Comitatu in Hofegowe seu Vredeborck ad plenum facere non possemus, proprietatem aliam loci alterius pro ea dabimus eidem infra tres menses æquæ bonam, postquam de hoc fuerimus requisiti. Etsi de hac æquivalentia controversia fuerit, stabimus hinc inde arbitrio duorum proborum virorum ad hoc eligendorum per Dominum AEpiscopum et nos communiter in hoc facto. Et si tales non possent concordare infra mensem ex tunc tertium arbitrium superiorem ex utraque parte communiter et concorditer eligemus infra mensem proxime subsequenter, qui secundum assertionem et formam placitorum prædictum negotium infra tertium mensem diffinit et decidat. Et si nos et Dominus AEpiscopus inveniuntur discordes hi superiori arbitrio eligendo, ex tunc nos Episcopus Halberstadiensis intrabimus Osterwich ad iacendum. Dominus vero Archiepiscopus recipiet se ad faciendum oblatum in castro oppidi sui scilicet in Salina Elmene donec in uno et tertio arbitro ambo fuerimus concordati. Si vero, quod absit, unus nostrum pronuntiationi per arbitros aut per arbitrum superiorem factæ stare nollit, pertinaciter ac contumaciter id recusans; ex tunc si Nos Episcopus Halberstadiensis esse-

mur in contumacia et in culpa Quedlinborch debemus intrare ad tacendum continuo in obstagio, ut est moris, donec pronunciationem arbitrii approbemus. Si vero Dominus Archiepiscopus pronunciationi contradiceret et arbitrium nollet acceptare, Strasborde intrare debet ad tacendum continuo mansurus ibidem quousque arbitrium et promulgationem eiusdem observare decreverit cum effectu. Si vero contradicens arbitrio promulgato in obstagio mortuus fuerit et defunctus, Capitulum eius defectum mortui et sublato de medio sine contradictione et absque ulla difficultate fideliter ac efficaciter adimplebit. Ad quod nos et Capitulum nostrum presentibus obligamus et ad ipsum Dominus Archiepiscopus Magdeburgensis et Capitulum suum facient vice versa. In quorum omnium testimonium approbationem et consensum presentes litteras Domino Archiepiscopo ac Ecclesie Magdeburgensi dedimus nostro et Capituli nostri sigillis fideliter communiter. Acta et placita sunt hæc in palatio Domini Archiepiscopi Magdeburgensis anno Dom. MCCCXVI. in dominica Misericordia Domini. Datum apud Germersleve sub annis Domini predictis II. id. Maii. Ex hoc prolixo amicabile compositionis instrumento facile ad existimandum est, qualem vim et effectum obligandi pena Banni Ecclesiastici, seu Excommunicationis et suspensionis divinarum atque obstagii attribuerint Præsules Germaniæ, qui in hoc negotio nihil fecerunt reliqui, ut animum arctius se invicem obstringendi, commonstrarent quam amplissime. Nec desiderantur alia litterarum monumenta, quæ nobis sunt documento, maioribus nostris sæpius sub pena Banni contrahere placuisse. Sic Preezlaus Episcopus Wratislaviensis anno 1358. constituit in quadam charta, quod - - Discretus vir Dn. Jacobus Augustini Plebanus Ecclesie in Militz-exposuit - - se (das Guth) Swebodow - - rite et rationaliter exposuisse perpetuo et locale in Emphitelesim perpetuam nomine Ecclesie sue - - strenuo militi Dno Thamoni de Hayn suisque heredibus et legitimis successoribus pro annua pensione habenda tenenda: et perpetue possidenda cum omnibus suis utilitatibus - - hoc tamen specialiter expresso, quod idem Thamo et sui heredes ac legitimi eius successores singulis annis - - quatuor marcas grossorum Pragensium polonici Pagamenti ipsi Domino Jacobo et successoribus

dium alicui in *emphyteusim* perpetuam sub certo censu quotannis præstando datur, æque ac ex aliis mediæ ævi monumentis patet, *Executores excommunicationis* in casum haud adimpleti promissi contra eunti *impendentis*, iam in antecessum fuisse designatos ac constitutos, ut eo paratior et certior esset executio *pene* per conventionem iam *determinata*. Hæc obligationis *sub pena Banni Imperialis et Ecclesiastici* exempla, tamquam haud leve spicilegium in tam copiosa messe omnino sufficere possent, nisi una adhuc charta *seculi decimi quinti*, quæ Instrumentum contractus *emphyteutici* sub sigillo curiæ *Argentinenfis* d. anno 1410. et 1411. continet, et a V. C. IACOBO WENCKERO (k) luci exposita legitur, solum incidere dissuaderet. Cum dicta charta etiam obligationem sub pena *excommunicationis* in se cautionis gratia complectatur; eius argumentum et hic fittere, haud erit ingratum: *Quod si ipse conductor aut eius heredes anno aliquo in præscripto termino in solutione et traditione dictorum reddituum quatuordecim denariorum faciendis - - existerent negligenter, aut dictum Mediamen locatum cum suis attinentiis in cultura bona non conservarent et tenerent, ut est promissum, quod tunc Excommunicationis sententiæ debeant subiacere* Judicioque seculari et sine Judicio occupari et invadi, nec non pignora ipsa capi usque ad impletionem promissorum. *Et si quis expensas seu dampna ex hoc præfatum locatorem et successores suos in prædicta sua Capellania seu præbenda universos nomine dicti luminis contigerit sustinere, illas et illa dictus conductor pro se et eius heredibus universis solvere et refundere promissit eisdem integraliter et in totum* sub pœnis ante dictis.

T A N T V M.

(k) In Apparatu et Instr. Archivorum p. m. 30. et 31.

MAIORIBVS NOSTRIS

Nec corrumpere, nec, corrumpi, sæculum vocabatur;
teste TACITO cap. XIX. n. 3. d. Mor. Germ.



AB11474192

